

傷寒總病論附札記

一



叢書集成

初編

主編者
王雲五

商務印書館發行



傷寒總病論

附札記

(一)

龐安時撰

本館據士禮居叢
書本排印初編各
叢書僅有此本

啓久不爲問。思企日深。過辱存記。遠枉書教。具開起居住勝。感慰兼集。惠示傷寒論。真得古聖賢救人之意。豈獨爲傳世不朽之資。蓋已義貫幽明矣。謹當爲作題首一篇寄去。方苦多事。故未能便付去人。然亦不久作也。老倦甚矣。秋初決當求去。未知何日會見。臨書惘惘。惟万万以時自愛。不宣。再拜。
安常處士閣下。

五月廿八日。

人生浮脆。何者爲可恃。如君能著書傳後有幾。念此便當爲作數百字。仍欲送杭州開板也。知之。知之。

又白。

目錄

(以前原缺一葉半)

結胸證 大陷胸湯 大陷胸丸 小陷胸湯 三物白散方

心下痞證 半夏瀉心湯 大黃黃連瀉心湯 生薑瀉心湯 甘草瀉心湯 加附子瀉心湯

陽毒證 升麻湯

陰毒證 甘草湯 反陰丹 硫黃丸 附子飲子

狐惑證 赤小豆當歸散

百合證 百合知母湯 滑石代赭湯 百合湯 栝樓牡蠣散 百合雞子湯 百合地黃湯 百合滑石散

瘧濕喝等證

瘧證 葛根麻黃湯

濕證 黃耆湯 杏人薏苡湯 桂枝附子湯 甘草附子湯

喝證 瓜蒂湯 小橘皮湯

發汗吐下後雜病證

| | | |
|---------|--------|---------|
| 茯苓桂枝湯 | 檳榔散 | 五味子湯 |
| 乾薑附子湯 | 茯苓白朮湯 | 梔子香薷湯 |
| 梔子生薑湯 | 梔子以朴湯 | 梔子乾薑湯 |
| 柴胡桂枝湯 | 旋復花代赭湯 | 柴胡龍骨牡蠣湯 |
| 赤石脂禹餘糧湯 | 桂枝人參湯 | 厚朴人參湯 |
| 黃芩梔子湯 | 葛根湯 | 葛根蔥白湯 |
| 荆芥散 | 理中丸 | 生薑半夏湯 |
| 葶根湯 | 黃芩芍藥湯 | 黃連當歸湯 |
| 薤白梔子湯 | 黃連黃芩湯 | 黃連瀉心湯 |
| 藜香丸 | 肉豆蔻湯 | 良薑湯 |
| 大青湯 | 苦茶鹽湯 | 麻人龍膽丸 |
| 地黃湯 | 黃芩湯 | 大黃散 |
| 大黃梔子湯 | 漆皮大黃湯 | 滴眼湯 |
| 雄黃散 | 青黛丸 | 牽馬丸 |
| 黃芩升麻湯 | 薤散飲子 | 黃芩飲子 |
| 五倍子散 | 煎干煎 | 磁砂散 |
| 黑龍煎 | 喉閉膏 | 升麻大黃湯 |

傷寒勞復證

葛根湯
 枳實梔子湯
 附子黃耆湯
 葛根薑皮湯
 桂枝梔子湯
 瓜蒂湯

陰陽易證

炙附
 足中龍灰散
 陰顯

第四卷

暑病論

暑病表證代葛根證

代麻黃證
大青消毒湯

代青龍證
葛粉散

素問載五種暑病無方

時行寒疫論

時行寒疫治法趙泉黃音

撤文行解散
麻黃葛根湯

藥盧散
麻黃湯

葛根湯
華佗赤散

白薇散
烏頭赤散

柳散于方并序

斑豆方論

溫病發斑治法小兒證附

地黃汁
黃連
五香湯
解毒散
麻黃甘草湯
甘草湯
油飲子
梔子薤白湯

香鼓石丹湯
神皮飲子
葛根石丹湯
紅花湯飲子
甘草乾薑湯
柳角升麻湯
三豆飲子

第五卷

天行溫病論

辟溫疫方論唐蘇酒
四海神名
辟溫粉

研堆黃并曬法
殺蟲丸

慈光丸一名
慈光丸一名
慈光丸一名
慈光丸一名
慈光丸一名
慈光丸一名
慈光丸一名
慈光丸一名
慈光丸一名
慈光丸一名

傷寒總病論
目錄

青筋牽證 柴胡地黃湯 石膏竹葉湯

赤脈攢證 石膏地黃湯

黃肉隨證 灸法附 玄參寒水石湯

白氣狸證 石膏杏仁湯 石膏葱白湯

黑骨溫證 灸法附 苦參石膏湯 知母解肌湯

溫病噦方論 茅根高根湯 梓皮飲子 茅根橘皮湯
枇杷茅根湯 萎蕤湯

黃病證 燮煎 瓜下散
消石礬石散

傷寒感異氣成溫病壞後及瘧證 知母石膏湯
丹砂丸

白虎加桂枝湯 石膏甘草散
三黃石膏湯

敗壞別行方 附子繁甲湯 木通桂枝湯 繁甲桓山湯
繁甲犀角湯 風引加附子湯

小兒傷寒證 葛根芍藥湯 蕩蕤散 射干湯 地皮湯
蘆根湯 甜葶應湯 犀角黃耆湯 鈞藤大黃湯

第六卷

傷寒雜方 時雨散 玄精石湯 瓜蒂牙消散
麻黃杏子湯 朴消散 犀角五香湯

妊娠雜方 伏龍肝散 香薷子法 牽牛散
黃耆人參湯 阿膠散 陳皮枳實湯

鹿角屑湯 益母草飲子 大黃桃人湯
地黃生薑飲子 紅花散 生薑小便飲子 石膏栝樓湯

傷寒暑病通用刺法

期門 肺輸 大杼 手少陰 勞宮
中腕 大杼 曲池 魚際

大瀉 大都 太白 復溜 合谷 丘墟
列缺 商陽 天柱 涌泉 俠谿 陷谷

傷寒死生候

熱病死生候

溫病死生候

天行差後禁忌

解仲景脈說 半夏桂枝甘草湯

解華佗內外實說

辨論

與有位辨傷寒論書

葱論音訓

脩治藥法

傷寒總病論卷一

宋 新水龐安時撰

敘

論凡言論曰其下有注皆安時言

太陽證

陽明證

少陽證

太陰證

少陰證

厥陰證

兩感證

三陰三陽傳病證

敘論

龐曰。素問云。冬三月是謂閉藏。水冰也。地裂。無擾乎陽。又云。彼春之暉。爲夏之暑。彼秋之忿。爲冬之怒。是以嚴寒冬令。爲殺厲之氣也。故君子善知攝生。當嚴寒之時。周密居室而不犯寒毒。其有奔馳荷重。勞房之人。皆辛苦之徒也。當陽氣閉藏。反擾動之。令鬱發腠理。津液強澆。爲寒所搏。膚淡反密。寒毒與榮衛相渾。當是之時。勇者氣行則已。怯者則著而成病矣。其即時成病者。頭痛身疼。肌膚熱而惡寒。名曰傷寒。其不即時成病。則寒毒藏於肌膚之間。至春夏陽氣發生。則寒毒與陽氣相搏於榮衛之間。其患與冬時即

病候無異。因春溫氣而變，名曰溫病也。因夏暑氣而變，名曰熱病也。因八節虛風而變，名曰中風也。因暑濕而變，名曰濕病也。因氣運風熱相搏而變，名曰風溫也。其病本因冬時中寒，隨時有變病之形態爾。故大醫通謂之傷寒焉。其暑病濕溫風溫，死生不同，形狀各異，治別有法。

龐曰：天寒之所折，則折陽氣，足太陽爲諸陽主氣，其經夾脊脊貫五臟六府之臟，上入腦，故始則太陽受病也。以其經貫五臟六府之臟，故病有臟府傳變之候。以其陽經先受病，故次第傳入陰經，以陽主生，故足太陽水傳足陽明土，土傳足少陽木，爲微邪，以陰主殺，故木傳足太陰土，土傳足少陰水，水傳足厥陰木，至第六七日，當傳足厥陰，肝木必移氣克於脾土，脾再受賊邪，則五臟六府皆危殆矣。榮衛不通，耳聾囊縮，不知人則死，速用承氣湯下之。方在可下證中則可保五死一生，勿從容拯溺，令病人水漿不入，湯液不

下，無可奈何也。素問云：脾熱病則五臟危。又云：土敗木賊則死。若第六七日傳厥陰，脈得微緩微浮，其證寒熱似瘧，此爲必愈，宜桂枝麻黃各半湯和之。方在可汗證中微緩微浮爲脾胃脈也，故知脾氣全不再受克，邪無所容，否極泰來，榮衛將復，水升火降，則寒熱作而大汗解矣。人將大汗必冒昧者，若久旱天將時雨，六合皆至昏昧，雨降之後，草木皆蘇，庶物明淨，玉册所謂換陽之吉證也。

王叔和云：土地溫涼，高下不同，物性剛柔，餐居亦異，是以黃帝與四方之問，歧伯立四治之能，以訓後賢，開其未悟，臨病之工，宜兩審之。

龐曰。叔和非醫之圓機。孰能臻此也。如桂枝湯自西北二方居人。四時行之。無不應驗。自江淮間地偏暖處。唯冬及春可行之。自春末及夏至以前。桂枝麻黃青龍內宜黃芩也。自夏至以後。桂枝內故須隨證增。知母。大青。石膏。升麻。輩取汗也。若時行寒疫及病人素虛寒者。正用古方。不在加減矣。夏至以後。雖宜白虎。詳白虎湯自非新中喝而變暑病。乃汗後解表藥耳。一白虎未能驅逐表邪故也。或有冬及始春。寒甚之時。人患斯疾。因汗下偶變狂躁不解。須當作內熱治之。不拘於時令也。南方無霜雪之地。不因寒氣中人。地氣不藏。蟲類泄毒。嵐瘴間作。不在此法。治別有方也。又一州之內。有山居者爲居積陰之所。盛夏冰雪。其氣寒。腠理閉。難傷於邪。其人壽。其有病者多中風中寒之疾也。有平居者爲居積陽之所。嚴冬生草。其氣溫。腠理疎。易傷於邪。其人夭。其有病者多中濕中暑之疾也。凡人稟氣各有盛衰。宿病各有寒熱。因傷寒蒸起宿疾。更不在感異氣而變者。假令素有寒者。多變陽虛陰盛之疾。或變陰毒也。素有熱者。多變陽盛陰虛之疾。或變陽毒也。

龐曰。四時之中。有寒暑燥濕風火相搏。喜變諸疾。須預察之。其飲食五味禽魚蟲菜果實之屬。性偏有嗜者。或金石草木藥素皆有餌者。人五臟有大小。高下。堅脆。端正偏傾。六府亦有大小。長短。厚薄。緩急。令人終身長有一病者。貴者後賤。富者乍貧。有常貴。有常富。有暴富。有暴貧。有暴樂。有暴苦。有始樂後苦。有離絕。蘊結。憂恐喜怒者。夫常貴後賤。名曰脫營。常富後貧。名曰失精。暴樂暴苦。始樂後苦。精竭體沮。脫勢候。

王精神內傷。情慕尊貴。妄爲喪志。始富後貧。焦皮皴筋。常富惡勞。驕墮精消。離間親愛者。魂遊絕所懷者。意喪所慮者。神勞結怨恨者。志苦憂愁者。閉塞而不行。盛怒者。迷惑而不治。恐懼者。蕩憚而不收。喜樂者。暈散而不藏。此皆非外邪所中。而得之於內也。良工必預審問其由。先知臟府經絡受病之所。可舉萬全。工不思曉。令五臟六府血氣離守。迨至不救。又何言哉。

龐曰。陰陽虛盛者。非謂分寸也。榮衛者。表陽也。腸胃者。裏陰也。寒毒爭於榮衛之中。必發熱惡寒。尺寸俱浮大。內必不甚躁。設有微煩。其人飲食欲溫而惡冷。謂陽虛陰盛也。可汗之則愈。若誤下則死也。若寒毒相薄於榮衛之內。而陽勝陰衰。極陰變陽。寒盛生熱。熱氣盛而入裏。熱毒居腸胃之中。水液爲之乾涸。燥糞結聚。其人外不惡寒。必蒸蒸發熱而躁。甚則譫語。其脈浮滑而數。或洪實。或汗後脈雖遲。按之有力。外證已不惡寒。腹滿而喘。此皆爲陽盛陰虛。當下之則愈。若誤汗則死也。仲景載三等陽明。是陽盛陰虛證矣。調經論云。陽虛則外寒。陰虛則內熱。陽盛則外熱。陰盛則內寒。以此別之。若陰獨盛而陽氣暴絕。必四肢逆冷。臍築澹痛。身疼如被杖。面青。或吐。或利。脈細欲絕。名曰陰毒也。須急灸臍下。服以辛熱之藥。令陽氣復生。澀然汗出而解。若陽獨盛而陰氣暴絕。必發躁狂走。妄言面赤。咽痛。身班班如錦文。或下利赤黃。脈洪實。或滑促。名曰陽毒也。宜用針泄熱。服以苦酢之藥。令陰氣復生。澀然汗出而解也。

龐曰。夫邪逆陰陽之氣。非汗不能全其天真。素問云。辛甘發散爲陽。謂桂枝、甘草、細辛、薑、棗、附子之類。能

復陽氣也。酸苦湧泄爲陰。謂苦參、大青、葶藶、苦酒、艾之類。能復陰氣也。酸苦之藥。既折熱復陰。亦當小汗而後利者。經云。身汗得而後利。則實者可活是也。

華佗治法云。傷寒病起自風寒入於腠理。與精氣分爭。榮衛否隔。周行不通。病一日至二日。氣在孔竅皮膚之間。故病者頭痛惡寒身熱。腰背強重。此邪氣在表。隨證發汗則愈。

龐曰。凡發汗須如常覆腰以上。厚衣覆腰以下。以腰足難取汗故也。半身無汗。病終不解。凡發汗後。病證仍存。於三日內。可二三發汗。令腰脚周遍爲度。若病不解。便可下之。設令下後不解。表裏邪亦衰矣。足觀脈證調治。七日內可期。正汗爲善也。發汗後不可再行汗者。始發熱惡寒。今不惡寒。但倍發熱而躁。始脈浮大。今洪實。或沈細數。始惺靜。今狂語。此胃實陽盛。再行汗藥。卽死。須當下之。有人始得病。變陽盛之證。須便下之。不可拘日子深淺次第也。病三日以上。氣浮上部。填塞胸心。故頭痛胸中滿。或多痰涎。當吐之則愈。

龐曰。若虛損及新產人。不能吐者。可服枳實散。枳實細末。米飲調。錢。日可三四服。若有虛寒。手足冷及脈微弱者。枳實散兩加桂枝壹兩。同末之。如前服。

病五六日以上。氣結在臍府。故腹滿身重。骨節煩疼。當下則愈。若小便少。手足心并腋下不滋潤。尙未可攻之。當消息其候。不可亂投湯藥。虛其胃氣也。以上解華佗治法。

太陽證

尺寸俱浮者。太陽受病也。一二日發。以上連風府。故頭項痛而腰脊強。此是太陽勝經。屬水。病源云小腸者。非也。

太陽病發熱。汗出惡風。其脈緩者。名爲中風。太陽病或已發熱。未發熱。必惡寒。體痛脈陰陽俱緊者。名爲傷寒。

傷寒一日。太陽受之。脈若靜者。爲不傳。頗欲吐。若煩燥。脈數急者。爲傳也。

傷寒二三日。陽明少陽證不見者。爲不傳也。病發熱而惡寒。邪發於陽也。不熱而惡寒者。邪發於陰也。發

於陽者七日愈。發於陰者六日愈。陽數七陰數六故也。發於陽者。證用汗藥攻其外。發於陰者。用四逆散溫其內。

太陽病。頭痛至七日以上自愈者。其經竟故也。若欲作再經者。針足陽明。使經不傳。補足陽明土。三里穴也。

風者解表而不了了者。十二日愈。方言曰。兩楚疾愈或謂之達。或謂之了。

太陽病初服桂枝湯。反煩不解。先刺風池風府。却與桂枝湯則愈。

太陽病自汗。四支難以屈伸。若小便難者。可與陽旦證內加附子壹枚。炮。去皮尖。八破同煎服之。陽旦即桂枝湯異名。

若小便數者。慎不可行此湯。宜用芍藥甘草湯。若誤行桂枝附子湯。攻表則咽乾煩躁。厥逆嘔吐者。作甘

草乾薑湯與之。以復陽氣。若厥愈足溫。更與芍藥甘草湯。其脚即伸。若胃氣不和。讞語者。少與調胃承氣

湯。微溲則讞語止。

芍藥甘草湯主脈浮而自汗。小便數。寸口脈浮大。浮爲風。大爲虛。風則生微熱。虛則兩脛攣。小便數。仍汗出。爲津液少。不可誤用桂枝湯。宜補虛退熱通治。誤服湯後。病證仍存者。按古之參兩。准今之壹兩。古之壹升。今之壹升。若以古方減。以合今升。即則肆兩。升合之分毫。生以從俗。莫若以古今升秤均等。而減半爲一劑。稍增其枚粒。乃便於借劑。且仲景方云。一劑盡。內身猶在者。更減半之劑。此古方。劑入如其半。庶可防病未盡而服之也。有不禁大湯劑者。再減半亦得。肘後所謂或以壹分爲兩。或以貳分爲兩。以濃當升可也。贊家難辦。或臨時抄撮皆可。雖末每抄五錢。水兩平。煮煎八分服之。有證據者。每服入證三片。出三枚。一日三四服。未中病可六七服也。有不可作散者。是病勢大。宜依古方行之。凡湯一劑。有附子一枚。增半之劑。合用附子一枚半。古方不析枚者。是枚力要完也。半兩以上。大附子可減。枚半。四錢以下者。可用兩枚爲准。枚傷多不妨。仲景云。強人可加附子成兩枚是也。

芍藥

甘草各試兩

細對水壹升半。煎七合半。去滓。溫溫分再服。

甘草乾薑湯

甘草貳兩

乾薑壹兩

煎如前方。

調胃承氣湯

大黃壹兩

甘草半兩

芒消壹大

細對水壹升。煎上二味至五合。去滓。下芒消。烺化。暖服。壹匙。微溏爲度。如難利者。再與一劑。太陽病汗證。反下之。遂利不止。脈促。表未解也。喘而汗出者。葛根黃芩湯主之。

黃芩 參錢

黃連 參兩

甘草 半兩

乾葛 貳兩

細到水壹升半煎七合半去滓溫飲壹盞日三服

陽明證

尺寸俱長者陽明受病也當二三日發以其脈夾鼻絡於目故身熱目痛鼻乾不得臥

此證惡寒可發汗若惡寒能反自汗惡熱

者爲胃家實屬正陽明宜調胃承氣湯方在太陽證下

龐曰有三陽陽明者其太陽陽明本太陽病若發汗若下若利小便此亡津液胃中乾燥因轉屬陽明也少陽陽明者本傳到少陽因發汗利小便已胃中燥大便難也正陽陽明者病人本風盛氣實津液消澀或始惡寒汗出多寒罷而反發熱或始得病便發熱狂言也

凡陽明證俱宜下唯中寒惡寒爲病在經與太陽合病屬表可發其汗

二陽合病脈必浮大而長外證必頭痛腰疼肌熱日疼鼻乾也浮大者太陽受病也長者陽明也頭腰太陽也肌日鼻陽明也

二陽併病太陽證罷但發潮熱手足濇熱汗出大便難而譫語者大承氣湯下之則愈

方在可下證中

二陽併病太陽初得時發其汗汗先出復不徹因轉屬陽明自微汗不惡寒若太陽證不能不可下下之爲逆如此者可小發其汗設面色正赤者陽氣怫鬱在表當解之蒸之若汗出不徹當短息不足言陽氣

拂鬱不得越。當汗出而不汗。其人短氣。但坐以汗出不徹故也。宜麻黃湯。更發其汗即愈。何以知其汗不徹。其脈澁故知也。方在可汗證中。古本字多澁誤。以從來所見病人證候中。符合如此。故改正。陽明病能食爲中風。不能食爲中寒。

陽明病中寒。脈浮無汗。其人必喘。發汗則愈。宜麻黃湯。方在可汗證中。

陽明病。脈遲。汗出多。微惡寒者。表未解。發汗則愈。宜桂枝湯。方在可汗證中。若不惡寒。爲外欲解。手足濇然汗出者。大便已鞭。宜大承氣湯。方在可下證中。

陽明病有不可攻者。謂陽明病心下鞭滿者不可攻。攻之利不止者死。利止者愈。

陽明病或發汗。或自汗。大便雖鞭。小便少者。未可攻。津液恐還入胃。必先鞭後溼也。小便自如。乃可攻之。

陽明中風。口苦咽乾。腹滿微喘。發熱惡寒。其脈浮緊。若下之則腹滿。小便難也。此證必無汗。與後證相似。且惡寒無汗爲異。以咽乾腹滿。

亦不宜正汗藥。別以消汗也。

陽明病脈浮而緊。咽乾口苦。腹滿而喘。發熱汗出。不惡寒而反惡熱。身重。若發汗。則煩躁憤憤。反譫語。若加溫針。必恍揚煩躁不得眠。若下則胃中空虛。客氣動。心中懊憹。苔生舌上者。梔子香豉湯主之。

肥梔子拾枚 香豉貳合

水貳升。煮梔子減半。下豉再煮。搗合。去滓。溫服。壹盞。得快吐者。止後服。

脈浮緊。必無汗。而反有汗。咽燥。腹滿惡熱。法當下之。而又脈浮緊。不當下。此恐變風溫。宜細詳。

陽明病口鼻燥。但漱水而不欲嚥者。必衄。

少陽證

尺寸俱弦者。少陽受病也。當二三日發。以其脈上循脇。絡於耳。故胸脇痛而聾。足少陽膽。屬木。弦者。細長

曰弦。非謂此弦脈也。凡傷寒脈浮緊用載。皆屬弦之類也。有屬太陽。有屬陽明者。少陽正得弦脈。皆是小弦長大脈也。多宜和表。鮮有汗證。

少陽之證。口苦咽乾目眩也。

此三陽經皆病。未入於藏。可汗而解。仲景少陽證唯小柴胡。乃和表藥耳。

弦細頭痛發熱。屬少陽。宜小柴胡湯。不可發汗。發汗則譫語。此屬胃。胃和則愈。不和則煩而躁。宜調胃承

氣湯。此屬少陽陽明證也。方在太湯證中。

本太陽病不解。轉入少陽者。脇下鞭滿。乾嘔不能食。往來寒熱。尙未可吐下。脈緊者。小柴胡湯主之。少壯類

若已吐下發汗。溫針譫語。小柴胡湯證罷。此爲壞病。知犯何逆。以法治之。知犯何逆者。犯四種溫病。壞候也。

少陽中風。兩耳微聞。目赤。胸中滿而煩。不可吐下。吐下則驚悸。小柴胡湯主之。方在和表證中。

三陽合病。脈浮大。上關上。但欲眠睡。合目則汗。不言弦者。隱於長大也。

三陽合病。面垢譫語。腹滿身重。不能轉側。遺尿。發汗則譫語。下之則額上生汗。手足逆冷。若自汗者。宜白

虎湯。方在厥陰證中。

傷寒四五日。或六七日。無大熱。其人躁悶。此爲陽去入陰也。

傷寒三四日。陽爲盡。三陰當受邪。其人反能食而不嘔。此爲三陰不受邪也。病到陰必吐利。

傷寒三日。少陽脈小者。欲愈也。小而平勻者也。

太陰證

尺寸俱沈細者。太陰受病也。當四五日發。其經布胃中。絡於噎。故腹滿而噎乾。宜大承氣湯下之。方在可下證中。

太陰之爲病。腹滿而吐。食不下。自利益甚。時腹自痛。若下之。必胸下結鞭自利。不渴者屬太陰。其藏有寒

故也。當溫之以四逆散。

傷寒三日。太陽脈弱。至四日。太陰脈大。脈大而胸滿多痰者。宜吐之。無此證者。宜汗之。傷寒脈浮緩。亦大之類。手足自溫者。繫在太

陰。小便不利者。必發黃。五苓散加茵陳主之。若小便自利者。不能發黃。至七八日。雖暴煩下利。日十餘行。必自止。以

脾家實。腐穢當去故也。橘皮湯主之。

五苓散

以茵陳濃煎湯。調五苓散。貳錢服之。日三四。黃從小便下。以小便清爲度。

橘皮湯

橘皮壹兩 生薑貳兩

細剉。水壹升半。煎七合。去滓。分貳服。稍熱呷。未差。再作服。

本太陽病。醫反下之。因爾腹滿時痛者。屬太陰也。桂枝芍藥湯主之。

桂枝半兩 芍藥壹兩 甘草壹兩 大棗陸枚 生薑壹兩

咬咀。以水叁升。煮取壹升半。去滓。每溫壹盞。日叁服。注云。小建中湯不用飴糖。故芍藥爲君。止痛復利邪故也。

少陰證

尺寸俱沉者。少陰受病也。當五六日發。以其經貫腎。絡於肺。繫舌本。故口燥舌乾而渴。大承氣湯下之。在方中可下證

少陰之爲病。脈微細於寐也。

少陰中風。陽微陰浮。爲欲愈也。

凡少陰病四逆者。宜溫之。

少陰病始得之。反發熱脈沉者。麻黃細辛附子湯主之。

麻黃貳兩 細辛貳兩 附子壹枚

咬咀。以水三升。先煮麻黃十數沸。去上沫。內諸藥。煮取壹升。去滓。每溫壹盞。日三服。

少陰病得之二三日。麻黃附子甘草湯微汗。以二三日無陽證。故微發汗也。謂初得病二三日。常見少陰證。無陽者。須發小汗也。

麻黃貳兩 甘草貳兩 附子壹枚

改咀。以水叁升。先煮麻黃十數沸。去上沫。內諸藥。煮取壹升半。去滓。每溫一盞。日三服。

龐曰。少陰病脈沉。不知何沉也。且沉緊發汗。則動經。沉數爲病在裏。不可發汗。詳此脈或沉而濡。或沉而微。是表中寒而裏不消。脈應裏而發熱在表。故以小辛之藥。溫散而微。微取汗也。

少陰病吐利。手足不逆冷。發熱者不死。脈不至者。灸少陰七壯。太務穴在內踝後跟骨上。動脈陷中。言發熱者。即其身發熱也。

少陰病吐利煩躁。四逆者死。煩躁者。內煩躁也。與榮黃湯。證宜詳審其生死也。

少陰病惡寒而慄。居員切。時時自煩。不欲厚衣。宜大柴胡湯。方在可下證中。

少陰病四逆。惡寒而自慄。脈不至而吐利。煩躁者死。重詳定此。

少陰病下利。利止而眩。時自冒者死。此合是少陽胃味。汗濺出。與勻小浮者生。少陰無眩冒之證。

少陰病六七日。息高者死。

少陰病脈微細沉。但欲臥。汗出不煩。自欲吐。至五六日自利。復煩躁不得臥寐者死。

少陰病得之二三日以上。心中煩不得臥者。黃連阿膠湯主之。

黃連壹兩 黃芩壹分 芍藥壹分

雞子黃半枚

阿膠炙，棗分，爲末

以水貳升，先煮三物，取壹升，去滓，內阿膠烱盡，小冷內雞子黃，攪令相得，溫溫一盞，日三四服。

少陰病下利清水，色純清，心下必痛，口乾燥者，大承氣湯下之。方在可下證中。

少陰病吐利，手足厥冷，煩躁欲死者，茱萸湯主之。

茱萸洗三遍，壹兩半，湯

人參六分

生薑壹兩半

大棗叁個

以水叁勝半，煮取壹勝半，去滓，每溫一盞，日叁服。

少陰病咽痛者，桔梗甘草湯主之。

桔梗半兩

甘草壹兩

細剉，水壹勝，煎半勝，去滓，作叁服，細呷之。

又半夏散亦主之。

半夏湯洗七遍

桂枝去皮

甘草炙

右各等分，各別搗篩，已合治之，每服叁錢，水壹盞半，煎至八分，溫冷少少嚥之。

少陰病下利清穀，裏寒外熱，手足厥逆，脈微欲絕，身反不惡寒，其人面赤，或腹痛，或乾嘔，或咽痛，或利止。

脈不出者，通脈四逆湯主之。

甘草

壹兩

附子

大者半個，強人加半個。

乾薑

參分，強人加壹兩半。

細剉，水叁升，煎至壹升，去滓，每溫服一盞，日三四服，未差，急更作一劑，不可作煮散，其脈續出者，愈，暴出者死，面赤者，加速須葱四莖，去青，腹痛去葱，加芍藥壹兩，嘔者，加生薑壹兩，咽痛者，去芍藥，加桔梗半兩，利止脈不出者，去桔梗，加人參半兩，病與方皆相應者，乃與服之。

少陰病下利六七日，欬而嘔渴，心煩不得眠者，宜豬苓湯。

豬苓

茯苓

澤瀉

滑石

阿膠

各半兩。

咬咀，以水貳升，先煮四物，取壹升，去滓，內阿膠末烱盡，每溫一盞服。

少陰病下利，咽痛胸滿，心煩，豬膚湯主之。

豬膚

半斤。

以水五升，煮取貳升半，去滓，加白蜜半升，白粉貳合半，熬香，和令相得，每溫服一盞，日三四服。少陰病四逆，其人或欬或悸，或小便不利，或腹中痛，或泄利下重者，四逆散主之。

甘草

枳實

柴胡

芍藥

各伍分。

搗篩爲細末，白飲和服，方寸匕，日三服，欬者，加五味子，乾薑，炮，各貳分半，并主下利，悸者，加桂貳分。

半。小便不利者。加赤茯苓貳分半。腹痛者。加附子壹箇。炮。去皮臍。泄利下重者。先以水叁升。薤白壹升。煮取貳升。去滓。以散方寸匕。用薤白湯一盞。煎八分。日三四服。

厥陰證

尺寸俱微者。厥陰受病。他六七日發。以其脈循陰而絡於肝。故煩滿而囊縮。

微緩者。囊必不縮。若外證發熱惡寒。似總爲欲愈候。宜桂枝麻黃

各半湯也。若尺寸俱沉短者。囊必縮。宜承氣湯下之。方在可下證中。

厥陰之爲病。消渴。氣上衝心。中痛。熱飢而不欲食。食則吐。虵下之利不止。烏梅丸主之。

傷寒脈微而厥。至七八日。膚冷。其人躁無暫安者。此藏厥。非虵厥也。虵厥者。其人當吐。虵令病者。靜而復

煩也。此藏寒。虵上入其兩故煩。須臾復止。得食而嘔。又煩者。虵聞食臭。卽出。其人常自吐。虵虵厥者。烏梅

丸主之。又治久痢。藏厥宜四逆輩。極冷服之。

烏梅 壹百伍拾個 乾薑 伍兩

黃連 捌兩

當歸 貳兩

川椒 桂枝 附子 人參 黃蘗

細辛 各叁兩

異掇篩合治之。以苦酒浸烏梅一宿。去核蒸之。貳斗米下飯熟。搗成泥。和藥令相得。內臼中。與蜜再

杵二千下。丸如梧桐子大。先食飲服十九。日三服。稍加至二十九。禁生冷滑臭食物等。

厥陰中風。脈微浮者爲欲愈。不浮爲未愈。

脈遲。反以黃芩湯得微其熱。腹中應冷。當不得食。今反能食。此爲除中。必死。

先厥後發熱。下利必自止。而反汗出咽痛者。其喉爲痺。發熱無汗。其利自止。若不止。必便膿血者。其喉不痺。

龐曰。熱少微厥。指頭寒。嘿嘿不欲食。煩躁數日。小便自如。此熱除也。宜乾薑甘草湯。方在太陽證中。

龐曰。手足逆冷。皆屬厥陰。不可下。亦不可汗。有須下證者。謂手足雖逆冷。或有溫時。手足雖逆冷。而手足掌心必煖。非正厥也。故可消息汗下也。

傷寒一二日至四五日厥者。必發熱。前發厥者。後必發熱。厥甚熱亦甚。厥微熱亦微。厥不過五日。六日不厥者。必愈。若六日厥者。必發熱愈甚。仍下利也。

龐曰。寒熱而厥。面色不澤。冒昧者。當用絲衣包手足令溫煖。必大汗而解也。有不因大汗下。而兩手忽無脈。謂之雙伏。或一手無脈。謂之單伏。或利止。如此必有正汗。急用四逆輩溫之。時有汗便安。脈終不出者。死。下利先厥後發熱。利必自止。不爾。咽中痛。或喉痺。若使膿血者。其喉不痺。

厥而下利者。當不能食。反能食者。爲除中。必死。能食反發熱。脈數者。必發癰。膿厥而嘔。胸脇煩滿。後必便膿血。

病者手足冷。小腹按之痛。此結冷在膀胱關元也。當關元灸之。發熱下利。厥逆躁不得臥者死。

病人手足厥冷，脈乍緊者，邪結在胃中，心下滿而煩，不能飲食者，病在胸中，當吐之，宜瓜蒂散。凡病可吐者，皆宜此方。

瓜蒂 赤小豆 等分

細末，別以香豉壹合，熱湯叁盞，煮作稀糜，去滓，取汁和散，壹錢，溫溫頓服，不吐者，少少加藥，再服得吐，快乃止。諸亡血虛家，不可與服。有用丁香者吐之，多泄燥人。

傷寒厥而心下悸，宜先治水，當服茯苓甘草湯，次治其厥，不爾，水漬入胃，必作利也。茯苓甘草湯。

茯苓 桂 各壹兩
生薑 壹兩
甘草 半兩

細剉，水貳升，煎壹升，溫飲壹盞，悸止爲度。

傷寒六七日，大下後，寸脈沉而遲，手足厥逆，下部脈不至，咽喉不利，唾膿血，泄利不止者，爲難治，宜麻黃

升麻湯。有不因下而自利，加
衄血者，亦宜此方。

麻黃 壹兩 升麻 當歸 各半
知母 黃芩

萎蕤 各壹錢 芍藥 天門冬 桂枝 茯苓

甘草 石膏 白朮 乾薑 各壹錢

細剉，水貳升半，先煮麻黃一二沸，去沫，內諸藥，煮壹升貳合，去滓，溫服一盞，如人行七八里久進一

服以汗出，卽住服。

本自寒，醫復吐下之，寒格愈逆，食入口卽吐，宜乾薑黃芩湯。

乾薑 黃芩 黃連 人參

各壹兩

細到水叁升，煮取壹升半，去滓，溫服一盞。

下利微熱而渴，脈弱者自愈，脈數汗出亦然，緊爲未解，發熱而厥，七日下利爲難治。

凡厥通用四逆湯。方在四逆證中。謂其脈浮遲，或微，或細，或沉，皆屬裏有寒也。

厥而脈滑者，爲裏有熱，白虎湯主之。

知母 石膏 剉兩 甘草 半兩 粳米 叁合

以水五升，煮米熟湯成，去滓，溫服一盞，日三服，有渴加人參半兩。

龐曰：三陽皆有合病，凡合病者，有十四證，唯三陰無合病。

兩感證

龐曰：素問載兩感於寒，其脈應與其病形者，一日則巨陽與少陰俱病，頭痛口乾而煩滿，二日則陽明與太陰俱病，腹滿身熱，不欲食，譫語，三日則少陽與厥陰俱病，則耳聾囊縮而厥，水漿不入口，不知人，六日死，言其六日死者，是藏府榮衛，或有所通行，故四日少陰與太陽俱病，五日與太陰與陽明俱病，六日厥

陰與少陽俱病。是重傳得六日死矣。其有三日死者。素問謂陽明爲五藏十二經脈之長。其邪氣盛。故不知人。三日其氣乃絕。故死矣。夫邪氣盛則實。表裏邪實。併傾血氣。入胃不通於榮衛氣血。故氣血隨邪而盡。則三日死矣。其脈候。素問已脫。今詳之。凡沉者皆屬陰也。一日脈當沉而大。沉者。少陰也。大者。太陽也。二日脈當沉而長。三日脈當沉而弦。乃以合表裏之脈也。沉長沉弦。皆隱於沉大。凡陰不當合病。唯三陽可以合病。今三陰與三陽合病。故其脈似沉緊而大。似沉實而長。亦類革至之死脈也。

三陰三陽傳病證

龐曰。傷寒一日。巨陽受病。前所說膀胱詳矣。病源云。小腸雖則誤其標。本其手足陰陽。自有併病者。故素問云。六日三陰三陽五藏六府皆受病。榮衛不行。五藏不通。則死矣。是表裏次第傳。不必兩感。亦有至六日傳徧五藏六府而死者也。素問云。諸浮不躁者。皆在陽。則爲熱。其有躁者在手。假令第一日脈不躁。是足太陽膀胱脈先病。脈加躁者。又兼手太陽小腸也。又云。諸細而沉者。皆在陰。則爲骨痛。其有靜者在足。假令第四日脈靜著。是太陰始傳病也。脈加數。又兼手太陰病也。故六日亦能傳徧五藏六府也。躁謂脈數。靜謂脈不數。用藥則同。若用鍼。須取足與手之經也。

傷寒總病論卷二

可發汗證

不可發汗證

四逆證

和表證

可下證 血證附

不可下證

可水不可水證

可吐不可吐證

可灸不可灸證

可火不可火證

可溫證

火邪證

可發汗證

大法春宜發汗

太陽中風。陽浮而陰弱。陽浮者自發熱。陰弱者自汗出。齋齋惡寒。浙浙惡風。翕翕發熱。鼻鳴乾嘔者。桂枝湯主之。

桂枝

芍藥

生薑

各壹兩半

甘草

壹兩

大棗

陸個

咬咀。水。參升半。微火煎。取壹升七合半。生布絞去滓。溫服一盞。須臾啜熱粥一椀。令助藥力。周覆一

時汗徧身濺濺者益佳。不可令如水流漓。病必不除。若一服汗出病差。止後服。不必盡劑也。若不汗。如前法更服。半日許令三服。若病重者。一日一夜可盡一劑。病證猶存者。更作服。若汗未出。乃至二三劑。忌生冷黏滑肉麪五辛酒酪臭惡等物。

太陽病初服桂枝湯。反煩不解者。先刺風池風府。却與桂枝湯則愈。按風池是少陽之經。陽維之會。不針天柱而取風池者。陽維維諸陽。巨陽與諸陽主氣故也。

龐曰。凡桂枝湯證。病者常自汗出。小便不數。手足溫和。或手足指梢露之則微冷。覆之則溫。渾身熱微煩。而又增寒。始可行之。若病者身無汗。小便數。或手足逆冷。不惡寒。反惡熱。或飲酒後。慎不可行桂枝湯也。
脈緊必無汗。設有汗不可誤作桂枝證。

太陽病發汗。遂漏不止。其人惡風。小便難。四支微急。難以屈伸者。桂枝加附子湯主之。
桂枝湯內加附子。炮。去皮尖。切片。同煎。如前小便。僅爲有津液。可作汗。若小便數。不可誤認陽旦證也。陽旦卽桂枝湯異名也。

下後脈促胸滿者。桂枝去芍藥湯主之。
桂枝湯內去芍藥。只用四味也。芍藥味酸。脈促胸滿。恐成結胸。故去芍藥之佐。全用辛甘。發散其尚氣也。

服桂枝湯或下之。仍頭項強痛。翁翁熱無汗。心下滿微痛。小便不利者。桂枝去桂加白朮茯苓各一兩半主之。
不用桂。加水成四升。取二升。

太陽病項背強。汗出惡風者。桂枝加葛根二兩。添水成四升。煎取貳升。通治柔痙。

太陽下之微喘者，表未解也。桂枝加杏人厚朴湯主之。桂枝內加厚朴壹兩，杏人肆拾枚。此則中風自汗，用桂枝湯證也。龐曰：惡寒者，不當風而憎寒，惡風者，當風而憎寒，皆屬表證。太陽病頭痛發熱，身疼痛，骨節煩疼，惡風無汗而喘者，麻黃湯主之。

麻黃壹兩 桂枝壹兩 甘草半兩 杏人壹拾伍

咬咀，水貳升半，煮麻黃數沸，去上沫，內諸藥，煮取壹升貳合半，去滓，每飲一盞，續次服盡，不用粥投。溫覆，如桂枝法將息，未汗可再作二三劑。

龐曰：傷寒之脈緊盛而按之澀是也。脈浮而緊，浮爲風，緊爲寒，風傷衛，寒傷榮，榮衛俱病，骨節煩疼，外證必發熱，無汗或喘，其人但憎寒，手足指末必微厥，久而復溫，掌心不厥，此傷寒無汗用麻黃證。

凡脈浮數或浮緊，無汗，小便不數，病雖十餘日，尚宜麻黃湯也。

太陽中風，脈浮緊，發熱惡寒，身痛不汗出而煩躁者，大青龍湯主之。若脈微弱，自汗出惡風者，不可服之。服之則厥逆，筋惕肉瞤，此爲逆也。大青龍湯。

麻黃壹兩 桂枝 甘草 石膏各壹兩

杏人貳拾 棗伍枚 生薑壹兩

咬咀，水五升，煮麻黃數沸，去上沫，內諸藥，煮取二升，每溫飲一盞，微汗爲度。若汗周身潤則止服，未

周身潤可停待少時服盡。不欲汗多亡陽故也。亡陽遂虛。惡風煩躁。不得眠也。

傷寒脈浮緩。身不疼但重。乍有輕時。無少陰證者。大青龍湯主之。

少陰當言太陰。按太陰證內有脈浮緩。手足溫者。繫太陰。太陰當發。證屬青龍湯。似

桂枝證反無汗而脈緊。似麻黃證反身不疼而脈浮緩。

太陽病。項背几几。無汗惡風。葛根湯主之。

葛根 二兩

麻黃 半兩

桂枝 二兩

甘草 二兩

芍藥 二兩

大棗 一枚

生薑 半兩

咬咀。水四升。先煮麻黃葛根數沸。去沫。下諸藥。煮取貳升半。去滓。每溫飲一盞。日三服。如桂枝湯將息。

太陽與陽明合病。必自下利者。葛根湯主之。

太陽與陽明合病。不利但嘔者。葛根加半夏湯主之。用前葛根湯內加半夏壹兩壹分。湯洗十遍。每個作四破。

龐口。脈浮緊無汗。服湯未中病。其人發煩。目瞑極者必衄。小衄而脈尚浮者。宜麻黃湯。衄後脈已微者。不可再行也。凡脈浮自汗。服湯不中病。桂枝證尚在。必頭痛甚而致衄。小衄而脈尚浮者。再與桂枝湯。衄後脈已微者。不可再行也。

傷寒三日後，與諸湯不差，脈勢如數，陽氣猶在經絡，未入藏府，宜桂枝石膏湯。此方可夏至後代桂枝證用之。若加麻黃壹兩，可代麻黃青龍湯用之。

石膏

六兩

梔子

貳拾肆個

生薑

壹兩

桂枝

黃芩

各壹兩

甘草

各壹兩

升麻

各壹兩

葛根

各壹兩

咬咀，水五升，煮取貳升半，去滓，溫飲一盞，食頃再服。若得汗即止，後服。

龐白，凡發汗以辛甘為主，復用此苦藥者何也？然辛甘者折陰氣而助陽氣也。今熱盛於表，故加苦以發之。素問云：熱淫于內，以苦發之，故也。

葛根龍膽湯，療病四五日不差，身體毒熱面赤，兼治陽毒風溫。

葛根

生者貳兩，乾者貳兩代

生薑

升麻

大青

龍膽

桂枝

甘草

麻黃

芍藥

各半

萎蕤

壹兩

石膏

壹兩

咬咀，水四升半，下麻黃煮數沸，去上沫，內諸藥，煎貳升，去滓，溫飲一湯盞，日三夜二。凡葛根須用家闕味，若味甘多，白粉者爲佳。

若病人轉於病，吐人轉於病。

時行熱病，六七日未得汗，脈洪大或數，面目赤，身體大熱煩躁，狂語欲走，大渴甚，又五六日以上不解，熱在胃中，口禁不能言，爲壞傷寒，醫所不能治，如死人，或精魂已竭，心下纔煖，發開其口，嚙藥下咽，即活，兼

治陽毒麥奴丸。

麻黃一分

釜灰煤

黃芩

龍底礬

梁上塵

小麥奴

竈中黃十分

芒消

大黃各半

細末。蜜丸。彈子大。新汲水三合。和一丸。研服之。渴者。但令冷水足意飲之。須臾當寒。汗出便差。若日移五尺不汗。依前法再服一丸。差即止。須微利。小麥奴乃小麥未熟時。叢中黑麥。揔之成黑勃者。是也。無即以小麥炒黑。焦地上出火毒用之。亦得。此藥須是病人大渴。倍常躁盛。若小渴者。強與之。爲禍耳。強人每服半雞子大。亦治溫

傷寒連服發汗湯七八劑。汗不出者。死。如中風法蒸之。使溫熱之氣外迎。無不得汗也。古今用效。薪火燒地。良久去火。掃地。以水洒之。取蠶沙。桃柏。荆葉。糠及麥。麩皆可。同和鋪燒地上。可側手厚。上鋪席。令病人臥席上。溫覆之。熱月只可夾被覆。其汗立出。後周身至脚心皆汗。澀澀乃用溫粉撲止。移之上牀。即愈。無蠶沙。即用麩糠之類。鋪燒地上。亦得。溫粉法。白朮。葛朮。白芷。各兩。或。末之。入。英粉。拾兩。和勻用之。無英粉。以蚌粉代之。

傷寒差後。有不了了證者。謂至十日。或半月。二十日。終不惺惺。常昏沉。以失精神。言語錯謬。或無寒熱。有似鬼祟。或朝夕潮熱。頰赤。或有寒熱如瘧狀。此乃發汗不盡。餘毒氣在心胞絡間所致也。宜知母麻黃湯。

知母壹兩

麻黃壹兩

芍藥

黃芩

甘草

桂枝 各半

咬咀水貳升半。煮麻黃數沸。去上沫。內諸藥。取壹升叁合。去滓。每溫飲一大盞。半日可相次三服。溫覆令微汗。若心煩欲水。當稍與之。令胃中和則愈。未汗盡劑。

太陽病下之後。氣上衝。其脈必浮。可依證發汗。不與汗則成結胸也。凡發汗脈浮大。雖大便秘小便少者。可發汗而解也。合汗不汗。諸毛孔閉塞。悶絕而死。

不可發汗證

脈浮緊。法當身痛。當以汗解。假令尺中脈遲。爲榮氣不足。血少故也。前陽明病脈遲汗出。多微惡寒。宜桂枝湯。軟緊而遲。不可汗。宜小建中湯。

小建中湯

桂枝 叁分

生薑 叁分

芍藥 壹兩

甘草 半兩

棗 陸枚

飴糖 兩合

咬咀水貳升半。煮取九合。去滓。方下飴糖。煎令化。每溫飲一湯盞。日進二三服。尺尚遲。再作一劑。人參加半兩同煎最良。舊有微瀉或嘔者。不用飴糖也。兼治傷寒一二日胸中悸而煩。及汗後身疼。脈沉遲。又治傷寒陽脈澀。陰脈弦。法當腹中急痛。先小建中湯不差。與柴胡湯。方在和表證中。

龐曰、凡脈緊、病必無汗、唯濡而緊、病必自汗、勿誤行桂枝、宜建中湯也。
脈濡弱不可發汗、汗則厥而煩躁、不得眠。

諸明氣在心腹上下左右不可發汗。

龐曰、諸脈動數微弱不可發汗。以上並宜建中湯。若煩躁者宜竹葉湯。

竹葉湯治虛煩、病似傷寒、身亦熱而煩躁、頭不痛、身不疼、脈不數者、兼治中喝、渴吐逆而脈滑數者、及傷寒解後、虛羸少氣、逆欲吐者、並宜服之。

淡竹葉 半把

石膏 肆兩

半夏 叁分

人參 半兩

甘草 半兩

麥門冬 貳兩

粳米 壹合

細剉、以水伍升、煎貳升半、米熟去滓、溫飲一盞、日進三服、夜二服、嘔者加生薑一兩半、不嘔不用。

虛煩或嘔吐、脈弦細、芤遲、手足微寒、胸滿者、橘皮湯主之、兼治暴煩下利。方在太陰證中。

四逆不可發汗、發汗則聲嘶舌萎、不得前言、亂睛眩者、命將難全。

咽中閉塞、不可發汗、發汗則吐血、氣微絕、手足不能自溫者、乾薑甘草湯主之。方在太陰證中。

淋家不可發汗、發汗必便血。

瘡家雖身痛不可發汗、汗出則瘥。以瘡家膿血過多。

動氣在右不可發汗。汗出則衄而渴心苦煩。飲則吐水。動者謂心腹中虛氣動。若誤汗有此證。先宜五苓散三服。方在可水證中。次服竹葉湯。方在前。動氣在左不可發汗。發汗則頭眩。汗出則筋惕肉瞤。此爲逆難治。但先服防風白朮散。次服建中湯。方在前。防風白朮散。

防風 壹兩

牡蠣粉 半兩

白朮 叁分

細末。溫米飲調下二錢。日二三服。汗出續與建中湯。

動氣在上不可發汗。發汗則氣上衝。正在心端。李根湯主之。

半夏 半兩

桂枝

當歸

芍藥

黃芩

甘草

人參 各壹分

茯苓 叁分

蠶末每五錢。水兩盞。薑三片。甘李根白皮一團。如雞子黃大。煎八分。通口。日三五服。

動氣在下不可發汗。發汗則心中大煩。骨節苦痛。目運惡寒。食則反吐。穀不得前。先服大橘皮湯得吐止。

後服建中湯。

大橘皮湯 亦主手足冷嘔噦。

橘皮 半兩

生薑 貳兩

棗 貳拾肆

甘草 半兩

人參 壹分

竹茹 半兩

咬咀。水叁勝。煎壹升半。去滓。溫服一盞。食頃再服。

不當汗而強汗之，則津液枯槁而死。

四逆證

四逆湯治病發熱頭痛，脈反沉，若不差，身體疼痛者，脈浮遲，表熱裏寒，下利清穀者，汗出熱不去，內拘急，支節疼，四逆者，下利厥逆，惡寒者，下利腹脹滿，身疼脈浮者，先用四逆溫裏，得利止，乃可隨證用藥攻表也。

甘草 壹兩

附子 半個

乾薑 叁分

咬咀，以水壹升半，煮取陸合，去滓，溫分作貳服。

手足厥脈微欲絕者，當歸四逆湯主之。

當歸

桂枝

芍藥

細辛

各壹兩

棗 拾陸箇

甘草

木通

各壹兩

咬咀，以水四升半，煮二升二合，去滓，每溫一匙服。

和表證

傷寒表不解，心下有水氣，乾嘔發熱而欬，或渴或利，或噎或小便難，腹滿而喘者，小青龍湯主之。

麻黃

芍藥

細辛

乾薑

甘草

桂枝各壹兩 半夏叁分 五倍子半兩

咬咀以水六升先煮麻黃數沸去上沫內諸藥煮一升去滓每溫服一盞若渴者去半夏加栝樓根壹兩半若微利去麻黃加薤花一雞子大炒赤若噎者去麻黃加附子壹枚炮小便不利小腹滿者去麻黃加赤茯苓貳兩若喘去麻黃加杏仁壹兩壹分無薤花以桃花壹鴨子大不炒代之

太陽病得之八九日如瘧狀發熱惡寒熱多寒少其人不嘔清便欲自可一日二三度發脈微緩者爲欲愈也脈微而惡寒此陰陽俱虛不可更發汗吐下也面色反有熱色者未解也以其不能得小汗出其身必痒宜桂枝麻黃各半湯

桂枝湯末 麻黃湯末各三分

以水一升半漿三箇生薑三片煎減半去滓溫飲一盞未有小汗再服之

服桂枝湯大汗出脈洪證候不改者服桂枝湯如前法若形似瘧狀日再發者宜桂枝二麻黃一湯

桂枝湯末壹兩 麻黃湯末半兩

以水一升半薑三片漿三箇煎減半去滓溫飲一盞未有小汗再服之

服桂枝湯大汗出後大煩渴脈洪大者白虎湯加人參主之方在厥陰證中

隗曰傷寒已得汗身和脈絃細讞語妄見此爲津液不和與小柴胡去仁參加桂枝湯服之津液和自愈

未差與調胃承氣湯下之。

傷寒六七日發熱微惡寒支節煩疼微嘔心下支結外證未去柴胡桂枝湯主之兼治寒疝腹痛。

柴胡壹兩

桂枝

黃芩

人參各半兩

半夏四錢

芍藥半兩

甘草一錢

大棗九枚

生薑半兩

咬咀以水三升半煮取一升七合半去滓溫飲一盞。

小柴胡湯治傷寒五六日中風往來寒熱胸脇滿嘿嘿不欲食心煩喜嘔或胸中煩而不嘔或渴或腹中痛或脇下痞澀或心下悸小便不利或不渴身微熱或欬者。

柴胡貳兩

甘草

黃芩

人參各三分

半夏陸錢

生薑三分

大棗九枚

咬咀以水六升煮取三升去滓再煎取一升半溫作三服若胸中煩而不嘔者去半夏人參加枳椇半箇若渴去半夏加人參成貳兩貳錢半括樓根貳兩若腹中痛去黃芩加芍藥壹兩半若脇下痞澀去大棗加牡蠣貳兩若心下悸小便不利去黃芩加茯苓貳兩若不渴外有微熱去人參加桂枝壹兩半溫覆微汗愈若欬去人參大棗生薑加五味子壹兩壹分乾薑壹兩。

傷寒中風有柴胡證但見一證不必悉具凡以柴胡證而下之與柴胡湯必蒸蒸而振却復發熱汗出而

解也

病十日以上，脈浮細嗜臥者，爲已安候。小柴胡和之，細而遲者勿與。

婦人中風七八日，續自寒熱，發作有時，經水適斷者，此爲熱入血室，其血必結，故使如瘧狀，發作有時，小柴胡湯主之。

婦人傷寒發熱，經水適來，晝日明了，暮則譫語，如見鬼狀，此爲熱入血室，無犯胃氣，必自愈。先宜小柴胡湯，不愈，可刺

期門

婦人中風，發熱惡寒，經水適來，得之七八日，熱除而脈遲，身涼胸脇下滿，如結胸狀，譫語，此爲熱入血室也，當刺期門，隨其實取之。

陽明病潮熱，大便溼，小便自如，胸脇滿不去者，小柴胡湯主之。又不大便而嘔，舌上白苔者，亦宜服之。上焦得通，津液得下，胃氣因和，身濺然汗出而解。

陽明中風，脈浮弦大而短氣，腹滿，脇下及心痛，久按之氣不通，鼻乾不得汗，嗜臥，一身及目悉黃，小便難，有潮熱，時時噦，耳前後腫，刺之，小差，外不解，病過十日，脈續浮者，與小柴胡湯，若不尿，腹滿加噦者不治。

可下證 血證附

大法秋宜下。

陽明病發熱，不惡寒，汗多者，急下之。

凡脈沉細數，爲熱在裏，又兼腹滿咽乾，或口燥舌乾而渴者，或六七日不大便，小便自如，或目中瞳子不明，無外證者，或汗後脈沉實者，或下利三部脈皆平，心下堅者，或連發汗，已不惡寒者，或已經下，其脈浮沉按之有力者，宜大承氣湯。

大黃 半兩

厚朴 壹兩

枳實 壹枚

朴消 半兩

咬咀，以水四升，先煮厚朴枳實至叁升，下大黃，煮取壹升半，去滓，下朴消烱化，每溫一盞服，利卽止。後服，如作煮散煎，每服厚朴枳實末共叁錢，水兩盞煎壹盞半，下大黃末壹錢，煎壹盞，絞去滓，下朴消末壹錢，烱化服之。

陽明與少陽合病而利，脈不負者爲順也，負者失也，互相克爲負也，脈滑而數者有宿食，當下之。宜大承氣湯，陽明

上，其脈大，少陽木，其脈弦，若合病，土被木賊克，更利爲胃已困，若脈不弦，爲土不負，弦者爲土負，必死。

脈雙弦而遲，心下堅，或脈大而緊者，陽中有陰，可下之，病者煩熱，汗出如瘧狀，日晡則發潮熱者，屬陽明，其脈必實，當下之而愈。

病人小便不利，大便乍難乍易，時有微熱，喘冒不能臥者，有燥屎，宜下之。

傷寒若吐，下後不解，不大便五六日以上，至十餘日，日晡則發潮熱，不惡寒，獨語如見鬼狀，若劇者，發則

不識人。循衣妄撮。常見有此撮空候。故改之。惕而不安。微喘直視。脈弦者生。脈濇者死。微者但發熱譫語。可下之。一服利止後服。

過經譫語者可下之。

病人不大便五六日。繞臍痛。煩躁。發作有時。此有燥屎。故不大便。可下之。以上並宜大承氣湯。

太陽病未解。其脈陰陽俱停者。必先振慄。汗出而解。

陽微者先汗之所解。陰實者先下之而解。下之宜大柴胡湯。

柴胡肆兩

黃芩

芍藥各壹兩

枳實兩枚

生薑貳兩

半夏壹兩

大棗陸個

大黃壹兩

咬咀。以水六升。煮取叁升。去滓再煎。每溫一盞服。

因下之後。潮熱而微利者。此醫以丸藥下之。非其治也。而有表證。仍胸滿而嘔者。先服小柴胡湯。後服

大柴胡湯。小柴胡湯在和表證中。

傷寒發熱。汗出不解。心中痞鞭。嘔吐下利者。大柴胡湯主之。

傷寒十餘日。結熱在裏。往來寒熱者。宜大柴胡湯。

陽明病譫語發潮熱。脈滑疾者。小承氣湯主之。

大黃貳兩

厚朴壹兩

枳實兩枚

咬咀。水貳升半。煎至八合。去滓。放溫時飲一盞。以利爲度。凡大便秘悶。恐有表證者。但少少飲之。微下爲度。不可飲多。恐大泄利也。虛弱人可作養散煎服。

太陽病若吐下發汗後微煩。小便數。大便難者。與小承氣湯。利之則愈。此太陽病明證也。

下利讞語者。有燥屎也。宜小承氣湯。初一服讞語止。若更衣者。停後服。不爾盡與之。更衣卽登廁也。非煩師古注漢書更衣之義。集

驗方得有更衣挺出。煩妨於更衣。更衣出清血。故以知之。

陽明病不吐不下。心煩者可與調胃承氣湯。方在太陽證中。

發汗後惡寒者。虛也。不惡寒但熱者。實也。當和其胃氣。宜調胃承氣湯。

傷寒十三日過經。讞語者。此有熱。當以湯下之。若小便利者。大便當鞭。反下利而脈調和者。知醫以丸藥

下之。非其治也。若自下利者。脈當微厥。今反和者爲內實也。宜調胃承氣湯。

太陽病過經十餘日。心下溫溫欲吐。而胸中痛。大便反溏。腹微滿。鬱鬱微煩。此時極吐下者。與調胃承氣

湯。不爾。可與之。但欲嘔。胸中痛。微溏者。此非柴胡證。以嘔故知極吐下也。屬調胃承氣湯。

傷寒吐後。腹脹滿者。屬調胃承氣湯。

茵陳湯治陽明病發熱汗出者。此爲熱越不能發黃也。但頭汗出。其身無汗。劑頸而還。小便不利。渴而飲

水者以瘵熱在裏身必發黃。

茵陳蒿 六兩

大黃 半

梔子 貳拾個 大

咬咀水貳升半。先煮茵陳至貳升。內二味。煮取壹升貳合半。去滓。溫飲一盞。日三服。小便當利。尿如皂角沫。一宿腹減。黃從小便出。

十棗湯治太陽病中風。下利嘔逆。表解者乃可攻之。其人縈縈汗出。發作有時。頭痛心下痞鞭滿。脇下痛。乾嘔短氣。汗出不惡寒者。此表和裏未和也。

芫花

甘遂

大戟

各分。異梓細碎水合之。入白再杵二三百下。

先以水壹升。煮芫花拾枚。擘碎。煮取半升。去棗。用煎湯少半。調末一錢匕。羸人半錢。再單飲棗湯送之。平旦服。若下少而病不除。明日加藥一錢半。如前服之。服之必利。利後糜粥自養。

欬而脇下痛。此爲有飲。宜十棗湯。

調中湯治夏月及秋初忽有暴寒。折於盛熱。熱結四支。則壯熱頭痛。寒傷於胃。下利或血或水。或赤帶下。壯熱且悶。脈數宜下之。久年腸風下之亦差。

大黃 五分

葛根

黃芩

芍藥

桔梗

茯苓

棗木

白朮

甘草

各半兩。

咬咀水參升煎至貳升下大黃取壹升貳合去滓溫溫飲一盞移時勿爾食再服之得快下壯熱便歇其下利亦止凡秋夏早熱積日或有暴寒折之熱無可散喜搏著肌中作壯熱氣也胃爲六府之表最易爲暴寒所折故也虛人亦不在壯熱但主利或霍亂不宜用此實人有服五石人喜壯熱與別藥下則加熱喜悶而死矣是以宜以此下和其胃氣調中湯又治腸病因下遂協熱利不止及傷寒不因成壹兩煎服之殊驗也茵陳丸療瘴氣及黃病瘡瘕

茵陳

梔子

鼈甲

芒消

各壹兩

大黃

貳兩

鼓貳合

常山

杏仁

各壹兩

巴豆

半兩

細末蜜丸梧桐子大初得時氣三日內平旦米飲服二丸如人行十里久或吐或利或汗出不爾更服一丸以熱粥投之老少以意加減丸數服若黃病瘵癰時氣傷食瘡瘕小兒驚熱欲發痢服之無不瘳者療瘴神驗赤白痢服之亦效春初有宿熱依上法服之取吐利當年不憂熱病有性殺藥者每服七九五丸

扒蕪湯治太陽病六七日表證在脈微而沉反不結胸其人發狂者乃熱在下焦小腹當鞭滿小便反利者下血乃愈所以然者以太陽隨經瘀血在裏故也小腹滿而小便不利者非血證

水蛭

蟲蟲

各拾枚

桃仁

柒枚

大黃

壹兩

嘔吐以水貳升半，煮至壹升貳合半，去滓，溫溫分四服。未下再服。虛人只可作半料服之。如作者散，每五錢水壹盞半，煎壹盞，去滓服之。

桃人承氣湯治太陽病不解，熱結在膀胱，其人如狂，血自下者乃愈。其外不解者，尚未可攻，當先隨證行湯解外，外已解，但小腹急結者，乃可攻之。不惡寒爲外解。

桃人

貳拾肆

大黃

貳兩

甘草

貳兩

桂枝

各壹

芒消

兩

嘔吐以水叁升半，煎取壹升半，去滓，內芒消烱化，溫服壹盞。虛人減作半料亦可。作者散每伍錢水壹盞半，煎至壹盞，去滓，下芒消壹錢半，烱化服之。

桃人承氣湯又治產後惡露不下，喘脹欲死，服之十差十。

龐曰：脈朝夕駛者，實癰也，可下之。朝平夕駛者，非癰也，不可下。駛謂數脈，六七至者也。若脈數一息八九至，慎不可下。若下之則煩躁，下利不止而死。凡數脈與皮毛相得，亦不可下也。合下不下，令病人腹脹滿，通身浮腫而死。

不可下證

脈軟而弱，弱反在關。關下三濡反在顛。關上三微反在上。寸口澀反在下。尺部微則陽不足，澀則無血，陽氣反微。中風汗出而反煩躁，澀則無血，厥而且寒，宜建中湯。方在不可汗證中。

陽微不可下，下之則心下痞。

諸動氣在心腹上下左右俱不可下。

動氣在右不可下，下之則津液內竭，咽燥鼻乾，頭眩心悸。

宜竹葉湯，方有不可汗證中。

動氣在左不可下，下之則腹裏拘急不止，動氣反劇，身雖有熱反欲勑。

先服乾薑甘草湯，方在太湯證中，後服建中湯，方在不可汗證中。

動氣在上不可下，下之則掌握熱煩，身冷熱汗自泄，欲水自灌，竹葉湯主之。

方在不可汗證中。

動氣在下不可下，下之則腹滿，卒起頭眩，食則下清穀，心下痞堅，半夏瀉心湯主之。

方在痞證中。

咽中閉塞不可下。

旋暈諸脈濡弱微虛細相搏俱不可下。

諸四逆不可下，虛家亦然。

龐曰：若下證悉具而見四逆者，是失下後，氣血不通使然，但手足微厥，掌心常溫，時復指稍溫，便下之，不可拘忌也。

傷寒嘔多，雖有陽明證，不可攻也。

龐曰：凡下證小便不利，或尚少，未可攻之也。

不當下而強下之，令病人腸胃洞泄不禁而死。

可水不可水證

龐曰、凡病非大渴、不可與冷水。若小渴、口咽乾、小小呷滋潤之。若大渴、煩躁甚、能飲一斗者、與五升、能飲一升者、與半升。若乃不與、則乾燥、無由作汗、煩喘而死者多矣。但勿令足意飲也。若大汗將來、躁渴甚者、但足意飲之、勿疑。常人見因渴飲水而得汗、見小渴遂強與之、致停飲心下、滿結喘而死者亦多矣。其有熱脈數、尙可作汗而解者、出於天幸也。

五苓散治病人水藥入口則吐、或渴而嘔者、或汗後脈尙浮而煩渴者、或下利渴而小便不利者、或因渴停水心下短息者、難治、嘔而小便不利者、皆主之。

豬苓

白朮

茯苓

桂枝

澤瀉

各半兩

細末、白飲調下、貳錢、日叁服、數飲煖水、汗出效。

陽明病小便數者、大便即堅、不更衣、十日無所苦、欲得水但與之、當以法救渴者、五苓散主之。霍亂頭痛發熱、身體疼、發熱欲飲水、五苓散主之。若得病無熱、但狂言煩躁不安、精采不與人相當、勿以火導之、但以豬苓散方寸匕服之、當逼飲新汲井水壹升、即令指刺喉中吐去之、病隨手愈。若不能吐者、勿強與水、水停則結心下也。當以藥吐之、不爾、更致危病。若當吐不時、以豬苓散吐之、其死迨速矣。亦可針之、尤佳。夫飲兩實難治、此皆三死一生也。太陽病發汗後、大汗出、胃中乾燥、煩不得眠、其人欲飲水者、

但與之當稍稍飲之令胃和則愈。

可吐不可吐證

龐曰胸滿痞悶痰壅寒礙脈得浮或滑並宜瓜蒂散吐之。方在厥陰證中產後六七日內下瀉諸藥不効得此脈與吐之瀉立止。

下利日數十行其脈反遲寸口微滑吐之則止。

龐曰虛家當吐而不敢吐之宜以枳實散壓氣毒痰水過日毒入胃乃可微下之也。

諸四逆脈微弱虛細或弦遲雖中滿悶不可吐宜橘皮湯枳實散之類。橘皮湯在和表證中枳實散在鈹論中

不可吐而強吐之氣築心即死矣。

可灸不可灸證

燒針令其汗針處被寒核起而赤者必發黃脈氣從少腹上撞者灸其核上一壯與桂枝加桂湯。桂枝湯內加桂枝是成證兩壹分如前法煎之

少陰病其人吐利手足不逆反發熱不死灸少陰七壯。

下利手足厥無脈灸之不緩反微喘者死。

傷寒脈促手足厥逆可灸之。

合灸不灸，令病人冷結，久而彌固，氣衝心而死。微數之脈，慎不可灸。因火爲邪，則爲煩逆，追虛逐實，血散脈中，火氣雖微，內攻有力，焦骨傷筋，血難復也。

脈浮當以汗解，而反灸之，邪無從去，因火而盛，病從腰以下必當重而痺。此爲火逆。若欲自解，當先煩，煩乃有汗，隨汗而解。何以知之？脈浮故以知汗出而解。脈浮熱甚而灸之，此爲實實以虛治，因火而動，咽躁必唾血。

不當灸而誤灸，令火邪入腹，干錯五藏，重加煩而死。

可火不可火證

下利殺道中痛，當以熬鹽末熨之，或炒枳實末溫熨。二味相兼益佳。若臍下冷結，不可便熨，冷氣攻心腹必死。須先用藥溫之，久而可熨。凡臍下冷結成閉陰，大小便不通，服藥雖多不見效，以炒鹽熨臍下，須臾即通。然閉陰已服巴豆、甘遂、大黃、輕粉之類太多，即暴通利而損人，尤宜詳之也。

可溫證

大法冬宜溫熱藥。

少陰病，其人飲食入則吐，心中溫溫欲吐，復不能吐，始得之，手足寒，脈弦遲。若膈上有寒飲乾嘔者，不可吐。宜四逆湯溫之。方在四逆證中。

下利其脈浮大。此爲虛。以強下之故也。設脈浮大。因爾腹鳴。宜當歸四逆湯溫之。方在四逆證中。

火邪證。醫以火誤下。或烈身用火過厚。汗。其後。腹脹。皆因火邪也。

傷寒脈浮。醫以火迫劫之。亡陽。驚。或狂。起臥不安者。宜桂枝去芍藥加蜀漆牡蠣龍骨救逆湯。

桂枝半兩 蜀漆半兩 牡蠣半兩 龍骨二兩

牡蠣半兩 生薑半兩 大棗四枚

以水陸升。先煮蜀漆減壹升。內諸藥。煮取貳升。去滓。溫服壹盞。無蜀漆以恆山代之。火劫後脈浮。當汗出而愈。

火邪下之。因燒針煩躁者。桂枝甘草湯主之。

桂枝半兩 甘草 牡蠣 龍骨各心

以水二升。煮一升。去滓。溫取一盞。可代救逆湯使之。

龐公。灸及燒針後。證似火劫者。並宜火劫治之。煩躁驚及狂。用六石風引湯尤良。柴胡加龍骨牡蠣湯亦適用。

病人因火劫至十五六日。身黃下利。狂欲走。師脈之言當下清血。如豚肝。乃愈。後如師言。何以知之。師曰。寸口脈陽浮而陰濡弱。陽浮爲風。濡弱爲虛。浮虛受風。少血發熱惡寒。洒淅項強頭眩。醫以火熏鬱令汗

出。惡寒。遂甚。客熱。因火而發。怫鬱。蒸於肌膚。白爲黃。小便微難。短氣。鼻中出血。而復下之。胃無津液。利遂不止。熱瘵。在膀胱。畜結成積。狀如豚肝。當下不下。心亂迷憤。狂走赴水。必不能自制。蓄血若去。目明心了。此皆醫所爲輕者得愈。極者不治。

傷寒總病論卷三

結胸證

心下痞證

陽毒證

陰毒證

狐惑證

百合證

瘧濕喝證

瘧候

濕候

喝候

發汗吐下後雜病證

傷寒勞復證

陰陽易證

結胸證

病發於陽而反下之，熱入內作結胸，其病心下堅滿，按之如石，鞭而痛，項強如柔痙狀，其脈寸口浮，關上尺中皆沉，或沉緊，名曰結胸也。下之則和，宜大陷胸湯。今作葺散煎之。

大黃壹兩半

芒消壹兩半

甘遂末壹字

異末，先以水壹升半，煎大黃半升，絞去大黃滓，下消末更葺一二沸，內甘遂末和勻，溫分二服，一服快利止後服，如作葺散，即先以水一盞，煎大黃末肆錢匕，至捌分，下消末貳錢匕，候化勻，下甘遂末。

半錢匕。沸勻。溫服之。移時未利。再煎一服。快利爲度。

藏結如結胸狀。飲食如故。時時下利。寸口脈浮。關上脈小細沉緊。名曰藏結。舌上白苔生者難治。藏結無陽證。不往來寒熱。其人反靜。舌上苔滑不可攻也。

結胸證。其脈尺寸浮大者不可下。下之則死。復宜發汗也。

結胸證悉具。煩躁甚者死。

太陽病。脈浮而動數。浮則爲風。數則爲熱。動則爲痛。數則爲虛。頭痛發熱。微盜汗出而反惡寒。表未解也。醫反下之。動數變遲。膈內拒痛。胃中空虛。宿熱動氣。短氣煩躁。心下懊憹。陽氣內陷。心下固鞭。則爲結胸。大陷胸湯主之。若不結胸。但頭汗。餘處無汗。劑頸而還。小便不利。身必發黃也。

結胸無大熱者。此爲水結在胸脅也。但頭微汗出者。宜大陷胸湯。

太陽病。重發汗而復下之。不大便五六日。舌燥而渴。日晡則少有潮熱。從心下至小腹。滿而痛不可近者。宜大陷胸湯。

虛弱家不耐大陷胸湯。卽以大陷胸丸下之。

結胸者項亦強。如柔痙狀。下之則和。宜大陷胸丸。

大黃 味苦

葶藶子 味苦

朴消 味苦

杏仁 味苦

枳二味。內杏仁、朴消。合研如脂。丸如彈子大。抄甘遂末壹錢。白蜜貳合。水貳升。煮取壹升。溫頓服之。一宿乃下。不下更服。

小結胸正在心下。按之則痛。脈浮滑者。宜小陷胸湯。

半夏陸錢

黃連一分

栝樓壹枚。用四錢。

咬咀。水叁升。煮栝樓至貳升。下諸藥。煮取壹升。去滓。溫溫服一盞。食頃再服。一日盡劑。微解下黃涎即愈。

太陽病下之。脈促者不結胸。此爲欲解也。脈浮者必結胸。脈緊者必咽痛。脈弦者必兩脅拘急。脈細數者頭痛未止。脈沉緊者必欲嘔。脈沉滑者協熱而利。脈浮滑者必下血。

寒實結胸無熱證者。與三物白散方。小陷胸者非也。

桔梗叁分

巴豆壹分

貝母叁分

細末內巴豆研勻。白飲調下壹錢。羸人減之。病在膈上必吐。在膈下必利。未利啜熱粥投之。利過不止。飲冷粥止之。

龐曰。近世治結胸多行針頭。丸用硫黃陽起石者。若病熱毒甚者必死。唯治冷結寒實耳。

心下痞證

病發於陰，而反下之爲痞。發熱惡寒爲陽，誤下則爲結胸。熱惡寒爲陰，誤下則爲痞氣。無傷寒下之後，若發熱汗出者爲欲解。若心下滿而鞭痛者，此爲結胸也。但滿而不痛，此爲痞氣。宜半夏瀉心湯。

甘草 黃芩 乾薑 人參 各壹兩

黃連 半兩 大棗 陸枚 半夏 壹兩壹分

咬咀，水陸升，煮取叁升，去滓，再煎壹升半，溫溫飲一盞，日三夜二。設下後津液入裏，胃虛上逆，寒結在心，濕，兼通心氣，甘草力大，故乾薑黃連不能相惡也。

心下痞，按之濡，其脈關上浮者，宜大黃黃連瀉心湯。

大黃 壹兩 黃連 黃芩 各半兩

咬咀，以鰾眼沸湯壹升漬之，須臾絞去滓，溫溫分四服，得利止後服。寒濕迫心氣不行，初作熱也。

心下痞悶而復惡寒汗出者，大黃黃連瀉心湯內加附子主之。附子壹枚，炮，去皮尖，四破，以水叁合，煮合，去附子，以附子汁內湯中，和勻服之。與瀉心湯而痞不解，其人渴而口乾燥，小便不利者，五苓散主之。方在可水部中。

傷寒汗出解之後，胃中不和，心下痞鞭，乾噎食臭，脅下有水氣，腹中雷鳴下利，宜生薑瀉心湯。

生薑 貳兩 人參 甘草 黃芩 各壹兩

半夏 壹兩壹分 大棗 陸枚 黃連 乾薑 各半兩

咬咀水伍升，煮取叁升，去滓，再煎取壹升半。溫作四服。胃中不和，爲少陽木氣所制，故用二薑之辛味。

傷寒中風，醫反下之，其人下利日數十行，穀不化，腹中雷鳴，心下痞鞭而滿，乾嘔心煩不得安，醫見心下痞，謂病不盡，復下之，其痞益甚，此非結熱，但以胃中虛，客氣上逆，故使鞭也。甘草瀉心湯主之。

甘草貳兩 黃芩 乾薑 人參各半兩

半夏壹兩壹分 大棗陸枚 黃連半兩

咬咀，水伍升，煎至叁升，去滓，再煎取壹升半，溫作四服。胃虛故加甘味。

大下後復發汗，心下痞，惡寒者，表未解，不可攻痞。當先解表，表解乃可攻痞。攻痞宜大黃黃連瀉心湯。前

附子，是汗出多而惡寒，表將解而裏結未除，故也。此證是發後無汗惡寒，故先須解表也。

傷寒發熱，汗出不解，心下痞鞭，吐瀉下利者，大柴胡湯主之。汗出嘔吐下利，是胃中津液燥，裏有積實，非胃虛也，故以大柴胡湯下之。

陽毒證

初得病一二日，便成陽毒，或服藥吐下後，變成陽毒，其病腰背痛，煩悶不安，狂言欲走，或見鬼，或下利，其脈浮大而數，面赤斑斑如錦紋，咽喉痛，吐下膿血，五日可治，七日不可治。升麻湯主之。不可作

升麻 當歸 甘草各貳分 雄黃研壹分

桂枝壹分 鼈甲半兩 蜀椒半分

咬咀水貳升煎壹升去滓溫服一盞食頃再服溫覆手足出汗汗出則解未解重作之得吐尤佳

陽毒宜葛根龍膽湯方在雜發汗證中

陰毒證

初得病一二日便成陰毒或服藥六七日以上至十日變成陰毒其病身重背強腹中絞痛咽喉不利毒氣攻心心堅強氣不得息嘔逆唇青面黑四支厥冷其脈沉細而緊仲景云陰毒之候如被杖喉咽痛五六日可治七日不可治甘草湯主之不可作煮散

甘草 鼈甲 升麻 當歸 桂枝各貳分

蜀椒壹分 雄黃壹分

咬咀水參升煎取壹升去滓溫溫每飲一盞食頃再服溫覆中毒當汗吐之汗吐則愈不吐再服之

治陰毒反陰丹

硫黃伍兩 研末 太陰玄精石味鹹者 研末 硝石研末 各貳兩

用鐵銚子先鋪玄精石一半次鋪硝石一半中間下硫黃又以玄精石蓋之用盞子合定令三斤炭火燒令得所勿以煙出多急取出以瓦盆合定地下四面灰擁勿令煙出直候冷

取細研，蒸餅心丸，豌豆大，艾湯下十五丸，病重加至二三十丸，此法甚驗。喘促吐逆者，入口便安。服此藥三五服，覺不退，便於臍下一寸半灸之，須是大炷百壯，未愈可至二百壯。若手足極冷，小便澀，小腹鞭，疝囊縮，即須更於臍下四寸，如前灸之，乃與當歸四逆并反陰丹，頻頻與服，內外通遂，方可解。若稍緩即死矣。當歸四逆乃加吳茱萸、生薑者是，慎勿與尋常利小便藥。此是陰毒，氣結在小腹所致也。有見小便不通，使用炒鹽及裏熱藥熨臍下，欲望小便通利，其冷氣在小腹之間，被熱物所熨，無處通出，即奔上衝心，其死速矣。

又治陰毒硫黃丸

硫黃

貳兩

水銀

壹兩

同研入銚，洒少醋，慢火炒，欲似煙出，再出火酒醋，如此三四遍。地上放冷，研之，蒸餅丸，梧桐子大，每服二十三十九，艾湯吞下，日三服，食前。

陰毒脈沉微欲絕，四支逆冷，大躁而渴不止，附子飲子。

附子

壹枚，半兩以上者，炮，去皮尖，四破。

以水九升，煎至三升，去附子入瓶，油單緊封，沉井底，候極冷，取飲之，仍下硫黃丸甚妙。

陰毒之爲病，因汗下藥性冷所變，多在四五日也。或素來陽氣虛冷，始得病，便成陰毒。或始因傷風傷冷。

物便成陰毒其病六日內可治過六日不可治。

狐惑證

狐惑之爲狀如傷寒或因傷寒變成斯疾其候默默欲眠目不得閉臥起不安蝕於喉爲惑蝕於陰爲狐不欲飲食惡聞食臭其面乍黑乍白上部則聲啞甘草瀉心湯主之方在痞證中蝕於下部則咽乾蝕於肛門者燒雄黃煮之雄黃壹味燒下部病者脈數則熱微煩默默但欲臥汗出初得之三四日目赤如鳩眼七八日則兩目四眦皆黑若能食者膿已成也赤小豆當歸散主之 赤小豆壹升浸生芽曝乾當歸壹兩細末漿水調下二錢日三服

百合證

龐曰百合病者百脈一宗悉致其病意欲食復不能食常默默欲臥復不能臥欲出行復不能行或有美食時或惡聞食臭時如寒無寒如熱無熱口苦小便赤諸藥不能治得藥則增劇吐利者如有神祟者身形如和其脈微數每溺時頭痛者六十日乃愈若溺頭不痛漸然者四十日愈若溺快然但頭眩者二十日愈其證或未病而預見或病四五日而出或二十日或一月微見者隨證治之 治汗後百合病百合知母湯

百合 拾枚

知母 壹兩

百合先洗漬一宿。當白沫出。去其漬水。別以清泉水壹升半。煮百合。取壹升。去滓。又別以泉水壹升。煮知母。取半升。去滓。同百合湯煎至壹升。溫分三服。

治下後百合病。滑石代赭湯。

百合拾枚

滑石半兩

代赭半兩

先以水漬百合一宿。當白沫出。則去其水。更以泉水壹升半。煮取一升。去滓。別以泉水一升。煮滑石代赭。取半升。去滓。合和重煎至一升。分溫三四服。

治吐後百合病。百合雞子湯。

百合拾枚

雞子黃貳枚

先以水洗百合。漬一宿。當白沫出。去其水。更以泉水一升。煮取一升。去滓。下雞子黃。攪勻。分溫三服。治不經吐下發汗百合病。形如初者。百合地黄湯。

百合拾枚

地黄汁半升

先以百合水漬一宿。有白沫出。去其水。更以泉水一升半。煮取一升。去滓。內地黃汁再煮。取一升。二合。溫溫分三服。中病勿更服。

治百合病一月不解。變成渴者。百合湯洗之。

百合一升。如麻洗。先漬一宿。當白沫出。去其水。

更以水一斗煎數沸。洗周身。慎風。仍食白湯餅。但勿與鹽豉也。煮餅是切麩條湯。煮水淘過。熱湯漬食之。

渴不差。栝樓牡蠣散主之。

栝樓無黃脈者。 牡蠣粉等分

細末。水調。方寸匕。日三服。

治百合病變發熱。百合滑石散。

百合各兩 滑石各兩

細末。清飲調。方寸匕。日三服。當微利。熱則除。已利勿服之。

百合病見於陰者。以陽法救之。見於陽者。以陰法救之。見陽攻陰。復發其汗。此爲逆。見陰攻陽。乃復下之。此亦爲逆。

瘵濕渴證

傷寒所至。太陽病瘵濕渴。此三種宜應別論。以爲傷寒相似。故此見之。

瘵

太陽病發熱無汗。反不惡寒。名曰剛瘧。

太陽病微熱汗出。不惡寒。名曰柔瘧。病源云。惡寒。

其證身熱足寒。頭強項急。惡寒時頭熱。目赤。脈赤。獨頭搖。卒口噤。背反張者。瘧病。

太陽病發汗太過。因致瘧。若問曰。太陽所至。為發汗。又云。肺熱移於腎。傳為柔瘧。始太陽中風。發熱而故追

汗太多。因而發瘧。汗反為冷濕之氣復著太陽經。故發瘧也。

瘧病臥不着席。小兒腰背去席二指。大人側掌為難。

治療病脈弦直上下行。

仲景云。太陽病證其身軀兀兀然。脈反沉遲者。為欲作瘧。宜桂枝加栝樓湯。栝樓不主中風。強項兀兀。其意

湯內當加栝樓四兩。瘧病不宜大發汗及針灸。宜小汗之。

柔瘧宜桂枝加葛根湯。桂枝湯內加葛根四兩。

剛瘧宜葛根麻黃湯。方在解表證中。

剛柔瘧加減葛根麻黃湯。

葛根 麻黃 生薑各半兩 防風 芍藥

白朮 人參 芎藭 黃芩 防己

桂枝

甘草

各半兩

附子

一枚

咬咀。水六升。先煮麻黃葛根數沸。去上沫。內諸藥。煮取二升。去滓。飲服一盞。食頃再服。日四五。夜二

三。柔痙自汗者。去麻黃。加葛根成壹兩半。剛痺胸滿口噤。臥不着席。脚攣急。其人必斷齒。宜大承氣湯下之。方在可下門中。

濕證

太陽病關節疼痛而煩。脈沉緩。濕痺。二候。其人小便不利。大便反快。只當利其小便。宜五苓散。方在水證中。濕家之爲病。一身疼發熱。身如熏黃。仍治風濕。脈浮。身汗出惡風。宜黃耆湯。

黃耆

貳兩

防己

貳兩

甘草

壹兩

白朮

生薑

各壹兩

棗

拾圓

咬咀。水四升。煎至二升。去滓。溫飲一盞。食久再服。喘者加麻黃壹兩。胃中不和者。加芍藥壹兩半。氣上衝者。加桂枝壹兩半。下有陳寒者。加細辛壹兩。服後當如蟲行皮中。從腰下如冰。厚坐被上。又以一被繞腰以下。令微汗出。

濕家其人但頭汗出。背強。欲得被覆向火。若下之。早則噦。胸滿。小便不利。舌上如胎者。此丹田有熱。胸上有寒。渴欲得水而不能飲。口燥故也。

濕家下之。額上汗出。微喘。小便不利者。死。下利不止者。亦死。問曰。風濕相搏。一身盡疼痛。法當汗出而解。值天陰雨不止。汗出已解。身復痛。何也。答曰。發其汗。汗大出者。但風氣去。濕氣續在。是故不愈也。若治風濕者。發其汗。但微似欲出汗者。風濕俱去也。

濕家病身上疼痛。發熱。面黃而喘。頭痛。鼻塞而煩。其脈大。自能飲食。腹中和無病。病在頭中寒濕。故鼻塞。細末瓜蒂。含水啗少許。鼻中則愈。

濕家身煩痛。可與麻黃湯。內加白朮武兩。麻黃湯在可汗證中。

病者一身盡疼。發熱。日晡則劇者。此名風濕。此病因傷於汗出當風。或久傷於冷所致也。可與杏仁薏苡湯。

麻黃武兩

杏仁肆拾伍枚

薏苡仁

甘草半兩

咬咀。以水二升。先煮麻黃。一二十沸。去上沫。內諸藥。煮取一升。去滓。溫二三服。

傷寒八九日。風濕相搏。身體煩痛。不能轉側。不嘔不渴。脈浮虛而澁者。宜桂枝附子湯。此治大便自利。小便不利者。

桂枝武兩

附子武枚

生薑武兩

大棗貳拾枚

甘草武兩

咬咀。以水三升。煮取一升。去滓。分溫四服。若大便堅。小便自利者。去桂枝。加白朮武兩。煎如前法。初

一二服身如痺，半日許服之都盡。其人如冒狀，勿怪。此乃朮附并走皮膚，逐水氣未得除，故使之耳。風濕相搏，骨節疼痛，掣痛不得屈伸，近之則極汗出短氣，小便不利，惡風不欲去被，或有微腫者，甘草附子湯主之。

附子貳兩

白朮貳兩

桂枝參兩

甘草貳兩

咬咀，水三升，煮取一升，去滓，分溫三服。身腫者加防己貳兩，悸氣小便不利加茯苓壹兩半，溢水成四升，煎一升三合。

喝證

太陽中熱者，喝是也。其人汗出惡寒，身熱而渴，白虎湯加人參主之。方在厥陰證中。

太陽中暍者，身熱疼重而脈微，此夏月傷冷水，水行皮中所致也。瓜蒂湯主之。

瓜蒂貳拾棗

水半升，煮取二合半，去滓溫服。

太陽中暍，發熱惡寒，身重而疼痛，其脈弦而細，芤而遲，小便已，洒然毛聳，手足逆冷，小有勞，身即熱，口前開，板齒燥。若發其汗，則惡寒甚，加溫針，則反熱甚，下之則淋甚，宜大小橘皮湯。大橘皮湯在不小橘皮湯。主

足汗嘔

橘皮貳兩 生薑肆兩

咬咀水三升，煮取一升半，去滓，作四服，稍熱呷之。

發汗吐下後雜病證

病人脈微而濡，此乃醫所病，大發其汗，又數大下之，其人亡血，病當惡寒，後乃發熱，無休止時。夏月盛熱，欲着複衣，冬月盛寒，欲裸其體，所以然者，陽微則惡寒，陰弱則發熱。此醫發其汗，使陽氣微，又大下之，令陰氣弱。五月之時，陽氣在表，胃氣虛冷，以陽氣內微，不能勝冷，故欲着複衣。十一月之時，陽氣在裏，胃中躁熱，以陰氣內弱，不能勝熱，故欲裸其身。又陰脈遲濡，故知亡血也。此皆可治。陽微惡寒四逆。陰弱發熱爲內熱病。宜苦酒艾之類。

大下後復發汗，小便不利者，亡津液故也，勿治之，得小便利，必自愈。

發汗後其人臍下悸者，欲作奔豚，茯苓桂枝湯主之。

茯苓肆兩 桂枝貳兩 甘草壹兩 大棗捌個

咬咀，以甘爛水五升，先煮茯苓，減一升，內下諸藥，煮取一升半，溫溫作三服。

作甘爛水法

取水貳斗，置大盆中，以楊柏枝擊水上，有珠子五六千箇相逐，取用之。

發汗或下後痞滿，或成寒實結胸，氣寒不通，宜檳榔散。

檳榔 或個。一煨。

細末酒二盞煎二盞四分作兩服。溫飲之。兼治虻厥。心腹刺痛。南海本草治膀胱氣佳。

鹿曰。因發汗時。汗出如水。漏下還復汗。少喘促不止。脈促而按之濡者。合當汗而解。脈促而按之實者死。若脈浮手足微厥。面垢唇青。寸憤而喘者。陰陽不和。尙阻升降。宜服順陰陽五味子湯。

麻黃 半兩

人參

五味子

麥門冬

杏仁

橘皮

生薑 各一分

棗 棗枚

咬咀。水二升。煮七合。去滓。通口服一盞。未差。再作二三服。手足厥甚者。厚衣護其厥。

下後復發汗。晝日煩躁不得眠。夜而安靜。不嘔不渴。無表證。脈沉微。身無大熱者。宜乾薑附子湯。不可作發散。

乾薑 二兩

附子 壹枚。生

咬咀。水一升半。煎至半升時。飲一小盞。食久再服。

傷寒若吐下後。心下逆滿。氣上衝胸。起則頭眩。脈沉緊。發汗則動經。身爲振振搖者。宜茯苓白朮湯。

茯苓 二兩

桂枝 半兩

白朮

甘草 各壹兩

咬咀。水三升。煮至一升半。去滓。分溫四服。

發汗吐下後。虛煩不得眠。若劇者。必反復顛倒。心中懊憹。香豉梔子湯主之。少氣者加甘草。嘔者加生薑。

梔子香鼓湯

肥梔子貳拾枚

香鼓兩言

水二升煎梔子至一升三合下鼓取七合半去滓每進一盞得吐止後服。

梔子甘草湯前湯內加甘草壹兩同梔子煮後下鼓同前法加水半升。

梔子生薑湯前方內加生薑貳兩半同梔子煮後下鼓同前法加水一升。

傷寒五六日大下之後身熱不去心中結痛者欲解也屬梔子香鼓湯主之。用前方

下後腹煩滿起臥不安者梔子厚朴湯主之。

梔子八個厚朴貳兩枳實二枚

咬咀水二升煮一升去滓溫飲一盞。

傷寒醫以丸藥下之身熱不去微煩梔子乾薑湯主之。

肥梔子八個乾薑壹兩

以水一升七合煮取八合去滓分溫三服。

凡用梔子湯得効即止後服病人舊有微瀉不可與之。

發汗若下之而煩熱胸中窒塞者梔子湯主之。

傷寒五六日已發汗而復下之胸脅滿微結小便不利渴而不嘔但頭汗出往來寒熱煩者此表未解柴胡桂枝乾薑湯主之。

桂枝 黃芩 各壹兩 柴胡 肆兩 栝樓根 貳兩

乾薑 甘草 牡蠣 各壹兩

咬咀水六升煎至三升去滓再煎一升半溫溫時飲一盞食頃再服。

傷寒發汗若吐下解後心下痞鞭噫氣不除者旋復花代赭湯主之。

旋復花 甘草 各壹兩 人參 壹兩 生薑 貳兩

代赭 末半兩 棗 三枚 半夏 壹兩

咬咀水五升煎三升去滓再煎取一升半溫分四服。

傷寒若吐下後七八日不解熱結在裏表裏俱熱時時惡風大渴舌上乾燥而煩飲水至數升者白虎加人參主之。方在厥陰證中。

傷寒八九日下之胸滿煩驚小便不利譫語身重不可轉側者柴胡龍骨牡蠣湯主之。

柴胡 貳兩 龍骨 黃芩 生薑 鈎丹

人參 桂枝 茯苓 牡蠣 各叁分 半夏 壹合

大黃卷兩

棗陸個

咬咀。水六升煎取三升。下大黃。切如棊子塊。更煎取貳升。去滓。溫飲一盞。

傷寒服湯藥。下利不止。心下痞鞭。服瀉心已。復以他藥下之。利不止。醫以理中與之。利益甚。理中治中焦。此利在下焦。以赤石脂禹餘糧湯主之。復不止。當以五苓散利小便。五苓散方在可水證中。

赤石脂禹餘糧湯

赤石脂

禹餘糧各八兩

水四升。煮取二升。去滓。溫飲一盞。

太陽病外證未除而數下之。遂協熱而利。利不止。心下痞鞭。表裏不解者。桂枝人參湯主之。

桂枝

甘草各貳兩

白朮

人參

乾薑各壹兩

咬咀。水五升。先煮四味。取三升。內桂。更煮取一升。去滓。溫分三服。

發汗後。腹脹滿者。厚朴人參湯主之。

厚朴四兩

甘草壹兩

生薑四兩

半夏壹兩

人參半兩

以水五升。煮取一升半。去滓。溫分三服。

治頭痛壯熱。心中煩。黃芩梔子湯。

黃芩

梔子

各壹兩

石膏

乾葛

各貳兩

豉

葱白

寸切

咬咀水四升，煮取一升半，溫溫作三四服。始得病，便如前證，亦可服。治夏月傷暑毒殊驗。

傷寒發汗後，或未發汗，頭痛如破，宜葱白湯。

連翹

寸切

生薑

貳兩

水二升，煮一升，去滓，溫溫作二三服。

服前湯頭痛未解，宜葛根葱白湯。

葛根

壹兩

芍藥

芎藭

知母

各半兩

葱白

壹兩

生薑

壹兩

咬咀水二升，半煮取一升，去滓，溫溫分減服。

傷寒頭痛立効，荆芥散。

天南星

草烏頭

肉白者

生用

荆芥穗

各半兩

石膏

壹兩

細末，每服二錢半，陳茶一錢，薑汁半呷，薄荷三葉，水兩盞，煎至八分，溫溫相次三服。

傷寒嘔吐不止，惡寒，脈細或浮遲，宜理中丸，兼治霍亂吐利，及傷寒後發熱，水停喜唾者。

人參 乾薑 甘草 白朮 各壹兩

細末。蜜丸。雞子黃大。每服一九。白鴻湯一盞。化令細。煎三五沸。溫服之。霍亂臍上築者不宜朮。可作湯去朮。加桂一兩半。水三升。煎取八合。稍熱服之。吐甚去朮。加生薑一兩半。作湯煎如前法。飲熱粥一碗。微溫覆之。勿發揭衣被。有寒腹滿痛。或四肢拘急。或下利轉筋。加生附子二枚。作湯服之。

治傷寒嘔吐欲死。生薑半夏湯。

半夏 壹兩 生薑 六兩

水三升半。煮一升。去滓。溫溫分四服。

治嘔吐發熱。脈滑數或洪者。茅根湯。

茅根 半升 麥門冬 貳合 半夏 壹兩 人參 半兩

茯苓 半兩 生薑 貳兩

咬咀。水五升。煎一升半。去滓。溫溫分減服。

霍亂吐痛發熱。身疼多飲水者。宜五苓散。 方在水證中。

傷寒發熱自利。脈浮大數。及鼻血或嘔者。宜黃芩芍藥湯。

黃芩 壹兩 芍藥 甘草 各壹兩

嘔吐水五升，煮取一升半，去滓，分四服，嘔者加半夏一兩一分，生薑一兩半煎服。
治傷寒熱利，或兼腹痛，黃連當歸丸。

黃連 當歸各各 乾薑 赤石脂各各

細末，蜜丸，梧桐子大，米飲吞下，二三十九日，三夜二服。

傷寒下利如爛肉汁，赤帶下，伏氣腹痛，諸熱毒悉主之，薤白梔子湯。

薤白半升 肥梔子大者

水三升半，先煮梔子十沸，下薤白煎至二升，去滓，下薤白一升半，溫溫分減服，必解下惡積。

傷寒汗解，因飲酒復劇，苦煩悶，乾嘔，口燥，伸吟，錯誤不得臥，此藥解熱毒，除酷熱，不必飲酒，劇者療五日，中神効，黃連黃蘗湯。

黃連壹兩 黃芩 黃蘗各壹 肥梔子拾貳

嘔吐水三升，煎一升二合，去滓，溫溫分減服，未差更作。

傷寒四日而大下，熱利時作，白通諸藥多不得止，四順湯，熱白通湯，苦溫除熱止利，莫若黃連熟艾湯。

黃連 黃蘗各壹兩 龍骨壹兩 熟艾兩雞子

嘔吐水四升，煮一升二合，去滓，分減溫服。

龐曰。凡冷利皆宜四逆。冷利臍下必寒。水穀黃白色或青黑也。熱利臍下必熱。利黃赤色也。天行熱毒。下利赤白。久下膿血及下部毒氣。當下細蟲如布絲縷大。或長四五寸。黑頭銳尾。宜麝香丸。

麝香 壹錢

附子

雄黃

丹砂

乾薑

巴豆

各貳分

搗下篩訖。煉蜜和丸。小豆大。米飲下二丸。未知增之。

此方本无巴豆。是古方脫去。服之不効。今增巴豆。試之甚驗。

傷寒後咳嗽。肉豆蔻湯。

肉豆蔻 壹個

石蓮肉 炒

茴香 各壹分

丁香 半分

生薑

人參 各貳分

枇杷葉 伍片。拭去毛。炙。

咬咀。水三升煎至一升半。分四服。空心煖飲之。

龐曰。傷寒汗後。咳嗽不止。是陰陽氣升降欲作汗。升之不上。降之不下。故胃氣上逆而咳嗽無休止者。宜良薑方。

橘皮

良薑

桂枝

當歸 各壹分

麻黃 半兩

檳榔 叁個

杏仁 貳拾個

甘草 壹分

生薑 壹分

大棗 拾個

咬咀。水二升半煎至一升。去滓。下檳榔末。又煎三沸。去滓。通口服一盞。未已再一劑。

時行頭痛。心如醉狀。面愛向黑處。不欲見人。此爲壞熱不散。速行大青湯與服。不爾。狂走。趕人。大青湯。

大青葉

秦艽

吳藍

升麻

薺苳

栝樓根

各二分

甘菊

壹分

石膏

叁分

竹瀝

貳合

朴消

三分

咬咀分二貼。每服一貼。水二升半。煎至一升二合。去滓。下竹瀝。朴消。分溫四服。肉色黃加茵陳六分。面似火加梔子十四枚。加水成三升。煮取一升半。溫飲一盞。

七八日熱盛不解。苦葶藶湯。

苦酒

壹升

苦葶藶

壹合

生艾汁

半升

同煎至七合。作二服。此療內熱病。有牛黃一。刀圭尤良。阮河南曰。今諸療疾。多用辛甘。薑桂人參之屬。此皆貴價難得。常有必欲求之。轉以失時。而苦參。青葙。葶藶。子艾之屬。所在盡有。之除熱解毒。最勝。向貴價藥也。前後數參並用之。得病內熱者。不必按常藥次也。便以青葙。苦參。艾。苦酒。療之。但少促其開耳。無不解者。苦酒。即米醋也。

龐曰。辛甘薑桂人參之屬。是發散寒氣之藥。其病未傳成內熱者。爲調治之大要藥也。決不可慮其酸苦之藥。正治內熱病急要之藥也。設當行辛甘而用酸苦。設當行酸苦而用辛甘。是昧於陰陽之用。如此醫殺之耳。其辛甘酸苦。自是調治通行之要藥。若論苦則忌甘。論甘則忌苦。雖有屢中。誠爲粗工矣。傷寒發黃者。先用瓜蒂末內鼻中。口含水搐鼻中。去黃水。用五苓茵陳散最良。

時行一切。不知身上疼痛。不寒亦不熱。沉沉似有所思。順事多語。此藏正傳熱。麻人龍膽丸。服此藥不死。

大麻人

大黃各壹兩

柴胡

黃芩

白鮮皮

秦艽

赤芍藥

龍膽草各貳分

黃連壹分

梔子肆貳拾個

細末。蜜丸如梧桐子大。食後煎淡竹葉湯下三十九丸。日與三服。以大利爲度。十日小差。壹月平復。

地黃湯療傷寒及溫病。應發汗而不與發汗。五內有瘀血者。及鼻衄吐血不盡。內熱瘀血。面黃大便黑者。此方主之。消化瘀血甚良。

生濕地黃肆兩

牡丹皮

芍

藥犀角屑

無以升麻代各半兩

咬咀。水貳升。煮取壹升。去滓。溫溫飲一盞。喜忘如狂者。加地黃黃芩各三分。加水一升。脈大來遲。腹

不滿。自言滿者。爲無熱。不用黃芩也。

鼻衄或吐血。下血黃芩湯。

黃芩肆兩

咬咀。水三升。煮一升半。溫飲一盞。兼治婦人漏下血不止。黃藥更佳。

吐血百治不差。此方療十差十。大黃散。

地黃汁半升

生大黃末壹方寸匕

煎地黄汁三沸。下大黃末調勻。空腹服之。每溫飲一小盞。日三服。血即止。
熱病毒氣入眼。赤痛生翳。不見光明者。大黃梔子湯。

生大黃壹兩

升麻半兩

瞿麥

甘草各壹分

梔子柒個

咬咀。水二升。煎至一升。去滓。溫作四服。以利爲度。難利者。煎藥畢。下朴消二分和服。先煮諸藥至一升半。乃下大黃。大黃先以水漬。和水下之。則折熱易利。

治毒病入眼。忽生赤翳。或白或腫。膚起或赤痛。不得視光明。入心肝或眼浮腫。如吹汁出。生膜覆珠子。或內障不見物。良由病後不慎。酒麪炙博五辛所致。宜服此類利之秦皮大黃湯。

秦皮

柴胡

常山

黃芩

升麻

芍藥

白斂

枳實

甘草各半兩

大黃叁分

咬咀。水叁升。煮貳升。下大黃再煎一升半。去滓。食後溫飲一盞。熱盛者加焰消半兩。湯成後下化勻。服。未差更作。可至五七劑。

又方滴眼湯斑豆齋不宜用。

秦皮

升麻

黃連各半兩

細剉。水二升。煎至一升。綿包筋頭。搗湯。滴入眼中。頻頻用之。

下部瘻瘡雄黃散

雄黃 青箱子

苦參

黃連各一分

桃仁壹分

爲散以艾汁和丸棗核大綿包內下部菖蒲汁更佳冬月無艾濃煎艾汁和爲丸更以米飲調下貳錢溫飲之日二服

治瘻瘡青黛丸

青黛 丁香

黃連等分

細末甘淀和丸棗核大口中有瘡含之咽汁若下部有瘡綿裹內下部日含化五六十九差牽馬丸治天行四五日下部生瘡醫所不能治此方主之

附子壹分

藜蘆

桂枝

巴豆各半兩去皮心性黑

細末別研巴豆加蜜杵丸梧桐子大空心熱水下二丸未知加三丸熱在鬲上不下飲熱湯半升投吐之下部瘻自差神良

天行口瘡黃蘗升麻湯

黃蘗 升麻

甘草生各半兩

咬咀水一升半煮半升入地黃汁一合煎半升分二服細呷之

又方蕎微飲子

蕎微莖葉切一升

冬用根皮

水三升煮半升溫溫漬之去涎。喉咽有瘡者。嚥汁少許爲佳。

又方黃蘗飲子

黃蘗薄切小片。蜜漬一宿。嚼蘗汁漬瘡。

又方五倍子散

五倍子炒爲末。傅之。涎出吐去。以差爲度。

傷寒喉中痛。閉塞不通。射干煎。

生射干

豬脂

各半斤

合煎。令射干色微焦。去滓。取壹棗大綿裹含。稍稍嚥之。

治喉咽痛寒。鵝砂散。

鵝砂

殭蠶

牙消

白礬

甘草

雄黃

各壹分

硃砂

半分

草烏頭尖

肆兩

細末。米飲調一錢。細細呷之。

古方黑龍煎治咽喉腫痛九種疾。

人參牛兩

甘草壹兩

無灰酒壹升

不艸皂角肆拾條

水三斗浸皂角一宿淨錫內煎令水減半次下人參甘草細切又同煎三分耗二布絞去滓下酒更入釜煤一七半攪煎如餒稀入瓷合內埋地中一宿若用時取一九如雞頭大盞中以溫酒一呷化之先以水漱口以鵝毛點藥入喉中掃之有惡涎或自出或下腹可兩三度引藥方歇良久令吐候惡物出盡了令喫少許水浸蒸餅及軟飯粥壓之次含甘草一寸嚥汁忌炙煇胡椒豬肉淹藏等物如木舌難下藥以匙按舌用藥掃喉中。

九般名

急喉閉 纏喉風 結喉 爛喉 重舌

木舌 遁蟲 蚰蟻 飛系入喉

元祐五年自春至夏秋新黃二郡人患急喉閉十死八九速者半日一日而死黃州潘推官昌言親族中亦死數口後得黑龍膏救活者數十人。

龐曰急切亦不候合此皆用古方以意處之但得不艸皂角一兩條槌碎水三升半浸少時揉汁去滓下草一分人參一分同煎作稀膏勿令太稠乃下後藥。

霜梅上白鹽 硃砂 焙消各等分

三味生研用前膏斟酌和勻可以掃得爲度每以鵝毛搵少許如前法掃喉中甚効其將息次第亦如前法此膏得力尤速若日久膏乾以甘草水化之病差後胸喉外生瘡勿疑無鹽梅以白鹽代

天行手足腫疼痛欲脫者濃煎虎杖汁漬之

天行後毒氣手足腫痛欲脫必作癰腫升麻大黃湯

升麻 木通 白斂各一分 黃芩 芍藥各壹兩

甘草半兩 大黃壹兩

咬咀水叁升煮二升半下大黃煮一升半溫溫飲一盞利下爲度

傷寒勞復證

病新差後氣血津液衰耗慎勿爲諸勞動事凡言語思慮勞神梳沐澡類勞力則生熱而復病如初也又新差後精髓枯燥切不可爲房事犯房事勞復必死魏督郵顧子獻病差後華敷囑之慎勿爲勞事餘勞尙可女勞卽死此是女勞復非陰陽易也素問云病熱而有所遺者是新差後腸胃尙弱若多食則難消化而復病如初也此是食復新差強人足兩月虛弱人足百日則無復病矣
大行勞復頭痛四肢疼葱豉湯

葱白 豉半升

水二升半煎葱爛去滓入雄鼠屎三七枚末之和勻分再服未差更作天行勞復作熱且至晚則腰背痛頭項強重葛根薑豉湯

芍藥 生薑各壹兩 豉 葱白各貳合 葛根貳兩

豉 水三升煎二升下豉煎一升半去滓溫飲一盞

大病差後勞復枳實梔子湯

枳實壹分 肥梔子拾貳個 香豉半升

漿水三升煮枳實梔子至二升下豉煮一升半去滓溫飲一盞溫覆微汗食復者加大黃棗子大七枚

同煎服之愈

療傷寒已差勞復如初脈浮無汗者桂枝梔子湯自汗者去麻黃

梔子拾貳個 豉半升 桂枝 麻黃各壹兩

豉 水三升煎至二升下豉取一升半去滓溫飲一盞溫覆取小汗差

療傷寒勞復如初自汗出者脈浮滑煩躁甚宜此方

梔子石膏香豉湯

梔子拾兩

石膏肆兩

香豉壹兩

水三升先煮二味至二升半下豉煮取一升半去滓溫飲一盞一法湯成入雄鼠矢二七枚末良

病未平復後勞動致熱氣攻胸手足拘急搐搦如中風狀瓜蘘湯

瓜蘘根肆兩無黃脈者 淡竹茹半斤

水三升煮一升二合去滓日二三服溫與之

婦人病未平復因夫所動小腹窘中急痛腰膝疼四肢不任舉動無熱證者附子黃耆湯

白朮

當歸

桂枝

附子

甘草

芍藥

人參各半兩

黃耆叁分

生薑壹兩

咬咀水四升煮至一升半去滓通口服一盞食久再服溫覆取小汗

男子勞房成復病鼠屎湯

薤根壹升

緞鼠屎貳拾壹個爲末矢頭尖硬者是卽牡鼠也

水三升半煮薤根至一升半去滓下鼠屎末再煎三沸溫飲一盞相次三服衣覆必有黏汗爲効未

汗再作一劑兼治陰陽易神驗

男子房勞復發熱口噤臨死舌出數寸又始得病百節痛如被打渾身沉重恍惚失措脈促而絕不可治

或有吐涎不止。或有譫妄煩亂者。皆不可治。

天行差後。勞復發熱。嘔吐食不下。蘆根湯。

蘆根 半斤

生薑 貳兩

橘皮

枇杷葉 各壹兩

咬咀。水三升。煮一升半。去滓。溫飲一盞。大故心煩躁。加石膏貳兩。加水一升。煮二升。

陰陽易證

陰陽易病者。陰陽相感動。其毒氣着人。如換易也。男子病新差。女子與之交。女子得病。名曰陽易。女子病新差。男子與之交。男子得病。名曰陰易。若二男二女。則不相易。然女犯男得病。鮮有死者。男犯女得病。救稍緩。則十無一人得生者。若女犯男。男自發勞復。則女不病。男犯女。女自發勞復。則男得病。亦輕。富貴之家。雖知其事。後生輕於自恣。犯之多。致不救。田野之人。蒙蒙昧昧。只知傷寒能死人。因此病死者。十有三四矣。皆不知其所犯之由。深可傷也。男子女人。陰陽易病。其狀身體疼痛。熱上衝胸。頭重不能舉。眼內生眵。四肢拘急。小腹絞痛。手足拳則皆死。其亦有不即死者。若小腹裏急。熱上衝胸。頭重不能舉。百節解離。經脈緩弱。血氣虛。骨髓竭。便吸吸。氣力轉少。着牀不得動。起止仰人引。歲月死。宜此方。足甲棍灰散。

取交接婦人手足甲二十枚。棍近隱處一尺。同燒灰。燒或米飲。調下二錢。日三服。陰頭微腫。小便利為愈。若未愈。灸陰頭一百壯。便差。陰頭在毛際間。提陰向上。當頭是穴。

女子陽易則取男子手足爪甲視近隱處。如前燒服之。可灸毛際橫空上。中央曲骨。一穴百壯。男子陰易如前法灸。若陰卵縮未下。灸足大拇指旋毛上。小炷七壯。是大敦二穴。男女初得陰陽易病。便服薤根鼠矢湯。出汗有驗。

傷寒口乾喜唾方

大棗

津拾枚。黃
去皮尖。

烏梅

肥者拾個。
去核爲水。

石以棗肉和爲丸。含化自然汁。

